



Tlf: +299 48 34 11
nuuk@bdo.dk
www.bdo.dk

BDO Statsautoriseret revisionspartnerselskab
Imaneq 33, 7. sal
GL-3900 Nuuk
CVR-nr. 45 71 93 75

ASIAQ MISISSUEQQAARNERIT

Kukkunersiuisut nalunaarutaat nr. 1

2025-MUT UKIUMOORTUMIK NAATSORSUUTIT PILLUGIT

Qup. 1-26

1	2025-MUT UKIUMOORTUMIK NAATSORSUUTIT KUKKUNERSIORNEQARNERINUT INERNILIINEQ	2
1.1	AALLAQQAASIUT	2
1.2	KUKKUNERSIUISUT UPPERNARSAATAAT - KUKKUNERSIINEQ PILLUGU INERNILIINEQ	2
1.3	KUKKUNERSIUISUT OQAASEQAATAAT	2
1.3.1	Tamanut tunngatillugu	2
1.3.2	2025-mut ukiumoortumik naatsorsuutitut kukkunerisuiusut oqaaseqaataat	3
1.3.3	Kukkunerisuiusut sionratigut oqaaseqaataannut malitseqartitsineq	3
2	SULIFFEQARFIUP ANINGAASAQARNIKKUT INISSISIMANERATA NALILIFFIGINEQARNERA	3
2.1	AALLAQQAASIUT	3
2.2	ATASINNAASUMIK INGERLATSINERUP NALILIFFIGINEQARNERA	3
2.3	TIGORIAANNARNIK SILLIMMATEQARNEQ	3
2.4	EQIKKAANEQ AAMMA INERNILIINEQ	4
3	KUKKUNERSIUNERMI PERIUTSIT ATORNEQARTUT	4
3.1	PINGAARUTEQARTITSINERMI QAFFASISSUSEQ	5
3.2	PEQUSERLUTTULIORTOQARSINNAANERA PILLUGU PISORTAMIK OQALOQATEQARNEQ	5
3.3	NAKKUTILLIINISSAMIK SUUSUPAGINNINNEQ	5
3.4	UKIUP INGERLANERANI KUKKUNERSIINEQ INGERLANNEQARTOQ	6
3.5	INAARUTAASUMIK KUKKUNERSIINEQ	6
4	NAATSORSUUSERINEQ ILLULLU ILUANI NAKKUTILLIINEQ	6
4.1	SULERIAATSIT ALLAASERINEQARNERAT	6
4.2	AKILIGASSANIK SULIAQARNEQ, SULIASSAQARFINNIK AVISSAAQQATITSINEQ ILLULLU ILUANI NAKKUTILLIINEQ	7
5	AKISSARSIAT SULISOQARNERMULLU TUNNGASUT	7
5.1	SULERIAATSIT SULIANILLU KUKKUNERSIINEQ	7
5.2	AQUTSISUNUT AKISSARSIAT	8
6	INATSISIT ATUUTSINNEQARNERANNIK KUKKUNERSIINEQ, PISORTAT INGERLATSIVIINI INATSISIT MALILLUGIT KUKKUNERSIINEQ, PISORTAQARFINNI KUKKUNERSIUNERMUT NAJOQQUTASSAT MALILLUGIT (SOR 6 AAMMA 7)	8
6.1	SIUNERTAQ	8
6.2	KUKKUNERSIUNERUP ANNERTUSSUSIA INGERLANNEQARNERANILU	8
6.3	INATSISIT ATUUTSINNEQARNERAT PILLUGU KUKKUNERSIUNERUP INERNERA	9
6.4	PISORTAT INGERLATSINERANNIK KUKKUNERSIUNERUP INERNERA	9
7	SULIFFEQARFIUP QARASAASIARSORNERMINIK NAKKUTILLIINERATA KUKKUNERSIORNEQARNERA	9
8	UKIUMOORTUMIK NAATSORSUUTIT KUKKUNERSIORNEQARNERAT	9
8.1	NAATSORSUUTIT ILUSILIGAANERAT IMARISAALLU	9
8.1.1	Aqutsisut nalunaarutaat	10
8.1.2	Inerniliineq	10
8.2	ISERTITAT	11



8.2.1	Aningaasaliissutit	11
8.2.2	Sullissinernik tuniniaaneq	11
8.3	AKISSARSIAT AKISSARSIARITINNEQARTULLU	11
8.4	OQIMAAQATIGIISSITSINEQ	11
8.4.1	Tamanut tunngatillugu	11
8.4.2	Sanaartukkanik pigisat nalillit	12
8.4.3	Kaaviiartitsinermi pigisat	12
8.4.4	Namineq aningaasaatit	12
8.4.5	Akiitsut	12
8.4.6	OQIMAAQATIGIISSITSINERMIK KUKKUNERSIUINERMUT EQJKAALLUNI INERNILIINEQ	12
8.5	AKIITSOQARFIIT ILISIMANGISAT	13
9	SULIASSAT ALLAT	13
10	AQUTSISUT NAATSORSUUTIT PILLUGIT UPPERNARSAANERAT	13
11	KUKKUNERSIUISUP UPPERNARSAANERA	13
	ILANNGUSSAQ 1, KUKKUNERSIUISUT UPPERNARSAATAAT - KUKKUNERSIINEQ PILLUGU INERNILIINEQ	
	14	
	ILANNGUSSAQ 2, PILERSAARUTIT MALITSEQARTITSINISSARLU - INGERLATSINERMIK	
	KUKKUNERSIINEQ AAMMA INATSISIT ATUUTSINNEQARNERINIK KUKKUNERSIINEQ	18
	ILANNGUSSAQ 3 IVERTINNEQARNERMI NALUNAARUT	19

Inatsisartunut

1 2025-MUT UKIUMOORTUMIK NAATSORSUUTIT KUKKUNERSIORNEQARNERINUT INERNILIINEQ

1.1 AALLAQQAASIUT

Asiaq-p 2025-mut naatsorsuutaanik kukkunersiuineq BDO Statsautoriseret revisionspartnerselskabip ulloq 30. aprili 2025 naammassivaa.

Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersoq naapertorlugu kukkunersiuineq ingerlanneqartoq pillugu matumuuna nalunaaruteqassaagut.

Kukkunersiuinermi ilaatinneqarpoq Asiaq-p ukiumi naatsorsuusiortarfiusumi 1. januaari - 31. januaari 2025-mut ukiumoortumik naatsorsuutit, angusat naatsorsornerat, oqimaaqatigiissitsineq, aningaasanik tigorianaannanut naatsorsukkat nassuiaatillugu, tassungalu ilanngullugu naatsorsueriaaseq atorneqartoq.

Kisitsisit pingaernerit (mio. kr.):

	2025	2024
Naatsorsuutit naatsorsorneqarnerat		
Ukiumi angusat.....	1.751.832	557.480
Oqimaaqatigiissitsineq	2025-p naanerani	2024-p naanerani
Aningaasaatit tigorianaanaat	23.240.092	17.837.898
Pigisat nalillit katillugit	35.387.374	29.650.554
Nammineq aningaasaatit	-26.745.616	-24.993.784

Kisitsisit (+)-itallit = sinneqartoorutit/akiitsunit pisassarisat

Kisitsisit (-)-tallit = amigartoorutit/akiitsut

Nammineq aningaasaatit = nammineq aningaasaatit amigartoorfiunngitsut ”-”-mik ilisarnaaserlugit ukiumoortumik naatsorsuutitut allanneqassapput.

1.2 KUKKUNERSIUISUT UPPERNARSAATAAT - KUKKUNERSIUIINEQ PILLUGU INERNILIINEQ

Kukkunersiuinitsinni pissutsinik naammattuugaqanngilagut ima sunniuteqartigisunik, tamakku ukiumoortumik naatsorsuutini kukkunersiuusup uppernarsaanerani ilaatinneqartariaqartunik, taamaattumillu ukiumoortumik naatsorsuutit uppernarsarusuppagut nangaassutitaqanngitsumik.

Kukkunersiuinermi atsiorneq Kalaallit Nunaanni pisortani suliffeqarfinnut malitassiaq atuuttoq malinneqarpoq ilanngussamilu 1-imi allaqqinneqarluni.

1.3 KUKKUNERSIUISUT OQAASEQAATAAT

1.3.1 Tamanut tunngatillugu

2025-mut ukiumoortumik naatsorsuutini kukkunersiuineq pillugu kukkunersiuusut oqaaseqaataat Inatsisartut Kukkunersiuinermut ataatsimiititaliaannit suliarineqartussatut naatsorsuutigineqartoq immikkoortup 1.3.2-p ataani allassimapput.

Kukkunersiuusutut oqaaseqassanerluta ataavartumik nalilersuisussaataavugut, isumaqarutta

- naatsorsuutitut ilanngunneqarsimasut Inatsisartut aalajangiinerinut naapertuutinnigitsut
- inatsisit aalajangersakkallu atuuttut unioqqutillugit iliuuseqartoqarsimasoq
- nalunaarsugaq imaluunniit atuineq inatsisitigut toqqammavissaqarneri nalorninartutut isigigutsigu
- suleriaatsit pilersinneqartut misissornerini malunnaatilimmik nakkutilliiniarnermut amigaateqartut paasineqarpat kukkunersiuusut amigaataasutut paasisaminnik pitsanngorsaannissamik siunnersuusiorsinnaammata

- suleriaatsit allaaserineqartut aamma malinneqarsimassanngippata
- kommunalbestyrelsip aamma ataatsimiititaliat aalajangiineri aningaasaqarnermut naapertuuttumik isumagineqarsimannngippata.

1.3.2 2025-mut ukiumoortumik naatsorsuutitut kukkunerisuiusut oqaaseqaataat

2025-mut ukiumoortumik naatsorsuutitut kukkunerisuiusut ingerlanneqartoq aningaasaqarnermik kukkunerisuiusermut tunngatillugu kukkunerisuiusut oqaaseqaateqarnissaannik pissutissaqartitsinngilaq.

1.3.3 Kukkunerisuiusut siornatigut oqaaseqaataannut malitseqartitsineq

Ukiut siuliinit kukkunerisuiusut oqaaseqaataannik soqanngilaq.

2 SULIFFEQARFIUP ANINGAASAQARNIKKUT INISSISIMANERATA NALILIIFFIGINEQARNERA

2.1 AALLAQQAASIUT

Pissutsit aningaasaqarnikkut ineriartornermut pingaarutillit ataani allaaserineqartut pillugit pingaarnerusutigut misissueqqisaarinermik ingerlataqarpugut.

Suliffeqarfiup aningaasaqarneranik naliliinerput 2025-mut naatsorsuutitut pigineqartunut tunngatillugu aamma 2026-mut missingersuutitut tunngatillugu aningaasaqarneq pillugu paasissutissanik ilaatigut tunngaveqartumik maannakkorpiaq pissutsit qanoq issusiinik takutitsigallarnerunera erseqqissaatigissavarput.

2.2 ATASINNAASUMIK INGERLATSINERUP NALILIIFFIGINEQARNERA

Atasinnaasumik ingerlatsinerup naliliiffigineqarnera 2025-mut angusat aamma 2026-mut naatsorsuutissatut naatsorsuutigineqartut naliliiffigineqarnerannik tunngaveqarpoq, angusallu erniat ilanngullugit aallaavigineqarput.

Asiaq Misissueqqaarnerit 2025-mi 1.752 t.kr.-inik angusaqarpoq. Missingersuutaqqaartuni 326 t.kr.-inik sinneqartoorteqarnissaq missingersuutigineqarpoq.

Missingersuutitut nikingassutaasoq ilanngaasereerluni kaaviiartitat qaffasinnerunerannik aammalu sulisoqarnermut aningaasartuutit 2025-mut missingersuutit suliarineqarneranni naatsorsuutigisamit ikinnerunerannik pissuteqarneruvoq.

2.3 TIGORIAANNARNIK SILLIMMATEQARNEQ

Suliffeqarfiup ullormi 31. decembarimi tigorianaannarnik aningaasaateqarnera 2025-mi pitsanngoriartortumik ineriartorsimavoq.

Ullormi 31. decembarimi tigorianaannarnik aningaasaateqarneq isigigaanni erseqqissaatigineqassaaq maannakkorpiaq pissutsit qanoq issusiinik takutitsigallarnerummat aningaasallu tigorianaannaat agguaqatigiissinnerinut tamatigut ersisitsisarani, annertunerusunik nikingassuteqarsinnaammat ullormi 31. decembarimi aningaasanut tigorianaannanut tunngatillugu inississimannngitsunik.

Atuineq 2026-mut missingersuutigineqartutut inerneqassappat suliffeqarfik ukiumi aggersumi tigorianaannarnik naammattunik sillimmateqartariaqarpoq.

2.4 EQIKKAANEQ AAMMA INERNILIINEQ

Qulaani allaaserineqartut tunngavigalugit naliliinerput tassaavoq suliffeqarfiup aningaasaqarnermik aqutsinera pitsaasoq suliffeqarfiullu ingerlatsisuusup angusai aningaasaliinernut ingerlanneqartussanut aningaasanik tigoriaannarnik naammattunik peqarnissamat qulakkeerinneqataasut taamaaliornikkullu aqutsisut suliniutinik allanillu pingaarnersiuinissamat qanoq iliornissaminut kiffaanngissuseqarsinnaanerisa qulakkeernissaanut aningaasanik tigoriaannarnik qulakkeerinnaasut.

3 KUKKUNERSIINERMI PERIUTSIT ATORNEQARTUT

Naatsorsuutini kukkunersiuiineq siunertaqarpoq BDO inerniliisinnaaqqullugu, pingaarnarpaartaatigit naatsorsuutit suliarineqarsimanersut Namminersolutik Oqartussat suliffeqarfiutaasa nammineertitat naatsorsuusiortarnerat pillugu Namminersolutik Oqartussat nalunaarutaat nr. 24, 22. decembari 2017-imeersumi malittarisassat naapertorlugit, ukiumilu nalunaarusiami suliassaqarfiit misinnartumik kukkuluttorfiusimasinnaanerannik annertuumik ukkassinermik ilaqartumik.

Nalunaarummi aalajangersarneqarpoq Asiaq Kalaallit Nunaanni ukiumoortumik naatsorsuusiortarneq pillugu inatsit pillugu peqqussummi qaqugukkulluunniit atuuttumi inuiaqatigiit isiginiarlugit suliffeqarfik Namminersolutik oqartussat pigisaattut ingerlanneqartuunerata kingunerisaanik nikingassutit atorlugit ukiumoortumik nalunaarusiortassasoq, inatsimmi immikkut ittumik malittarisassiorneqarluni.

Ukiumoortumik naatsorsuusiortarneq pillugu inatsimmi aalajangersakkanit nikingassutaasut ukiumoortumik naatsorsuutini naatsorsuuseriaaseq pillugu immikkoortup ataani atuarneqarsinnaapput.

Kukkunersiuiineq taamaallaat tunngassuteqarpoq suleriutsinut, ukiumoortumik nalunaarummi misinnartumik kukkuluttuuteqarfiusinnaasunut imaluunniit suliffeqarfiup ingerlatsineranut isornartorsiutaasinnaasunut. Matuma saniatigit suliffeqarfik aamma arlalinnik suleriuseqarpoq, suliffeqarfiup ingerlatsineranut sunniuteqartunik, ukiumoortumilli nalunaarusiamut paasissutissanik katersinermi annertunerusumik pingaaruteqanngitsunik.

Kukkunersiuiinermi ilaatigit ukiumut nalunaarusiat eqqortuunersut misissorneqassapput, aamma pissutsit naatsorsuutini saqqummiussinermi pineqartut aningaasaliissutinut, Inatsisartut aamma Naalackersuisut aalajangiinerinut allanut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunnersut misissorneqassallutik.

Kiisalu nalilersorneqartarpoq Inatsisartut aamma Naalackersuisut aalajangersagaat aammalu suliffeqarfimmi ingerlatsiveqarfimmi susassaqarfiit allat, aningaasaqarneq eqqarsaatigalugu tulluurtumik ingerlanneqarnerisut.

Kukkunersiuiineq ilanngussanik nuissanillu tamanik misissuilluni ingerlanneqarneq ajorpoq, misiligutinilli tiguisarluni uppersaatinik misissuinikkut imaluunniit allatut iliorluni naatsorsuuserineq uppersarneqartarluni ukiumullu naatsorsuutit eqqortumik suliassimanersut paasiniarlugit ingerlanneqartarluni. Tamatumunnga atatillugu illup iluani nakkutilliinermik suleriutsit atorneqartut misilerartarpagut, tamanna ukiumoortumik nalunaarummik kukkunersiuiinitsinnut pisariaqartikkaangatsigu.

Taamaattumik immikkoortuni pingaaruteqarnerusuni periarfissaatillugu nakkutilliinerulluni kukkunersiuiinermi periuseq piareersarnikuurput, paarlattuanik killilimmik imaqtumik aallaavilimmik iliutsit suliarineqartarlutik.

Kukkunersiuiineq ilaqarpoq suliassaqarfiit pingaarutillit tamaasa misissuiffiginerini, tamakkunanilu suleriaatsit illullu iluani nakkutilliinernut tunngassuteqartut.

Naatsorsuutit immikkualuttuinut allanut ukiumoortumik nalunaarummi kukkuluttuutaasinnaasut nalinginnaasutut nalilerneqarput, tamakkunatigullu kukkunersiuiineq annikinnerusimalluni.

3.1 PINGAARUTEQARTITSINERMI QAFFASISSUSEQ

Kukkunersiuinissamat pilersarusiornermini BDO-p aalajangertarpaa, pingaaruteqartitsinermi qaffasissusissaq akuerineqarsinnaasoq, aningaasartalinnik pingaarutilitsigut kukkusumik paasissutissiinissaq qulaarniarlugu. Aningaasap annertussusia (kvantitativ) sumullu tunngasuunera (kvalitativ) tunngavigalugu kukkusumik paasissutissaq nalilerneqartarpoq.

Pingaaruteqartitsinermi qaffasissusissaq naatsorsuutini atorneqartussa q aalajangerneqartarpoq, kukkunersiuinerullu pilersarusiornerani naammassineranilu atorneqartarluni.

Pingaaruteqartitsinermi qaffasissusissaq pilersarusiornermi pingaaruteqartarpoq susassa qarfinni aalajangersimasuni kukkunersiuinerup qanoq annertutiginissaanut. Susassa qarfiit pingaaruteqartitsinermi qaffasissusissamik amerlanerusunik aningaasartallit tamarmik kukkunersiorneqassapput.

Pingaaruteqartitsinermi qaffasissusissaq kukkunersiuinerup naammassinerani pingaaruteqartarpoq, oqaaseqaatitaqanngitsumik uppersaasiinissatsinnut. Kukkussut angisooq naatsorsuutini ikkusimaffimmut aalajangersimasumuinnaq attuumassuteqarpat, taava naatsorsuutini taanna kisiat oqaasertaliiffigalugu uppersaasiisoqarsinnaavoq.

Aammattaq pissutsit ukiumoortumik naatsorsuutini iluarsiiqqineqarsimangitsut pillugit Inatsisartut ilisimatissavagut.

Kukkunermik ataasiinnarmik paasisaqarpugut iluarsiiqqineqanngitsumik, naatsorsuutit tamarmiutillugit isiginerannut malunniuteqanngimmat:

Suliffeqarfiup nioqqutissanut toqqorsiviani uninngasuutigineqartunik najuulluni kisitsisoqarneranut atatillugu nioqqutissamat tunngatillugu t.kr. 57-inik kukkunermik paasisaqarpugut, taannalu toqqorsivimmiittut allattorsimaffianni allasimagaluarluni toqqorsivimmiinngilaq. Kukkuneq taanna missoqqinneqarpat kukkuneq ataatsimut isigalugu 148 t.kr.-it tungaanoorsinnaavoq. Taamaattoqaraluarpuunniit naatsorsuutini kukkunertut annertunngitsut isigineqarsinnaassaaq.

Kukkunersiuinerup aqqissuunera ingerlanneqarneralu aammalu pisortaqatigiit kukkunersiuisullu suliasaat akisussaaffigisaallu pillugit ivertinneqarnermi nalunaaruteqarnerput innersuussutigissavarpud (ilanngussaq 3).

3.2 PEQQUSERLUTTULIORTOQARSINNAANERA PILLUGU PISORTAMIK OQALOQATEQARNEQ

Kukkunersiuinerup ingerlanerani pisortat aperisimavagut peqquserluttulioortoqarsimaratarsinnaanera pillugu. Aqutsisut uagutsinnut ilisimatitsissutigaaq suliffeqarfik aqutsisut naliliinerat naapertorlugu nakkutilliissuteqartoq ukiumoortumik naatsorsuutit paasissutissanik kukkusunik pingaarutilinnik imaqsinnaanerani qulaajaasussamik, tassunga ilanngullugu peqquserluttulioortoqarnerata malitsigisaanik kukkusumik paasissutissiisoqarnerani.

Aqutsisunit aamma paasissutissiissutigineqarpoq peqquserluttulioortoqarsimanerani imaluunniit peqquserluttoqarsimasorinnermik misissuisoqarnerani ilisimasaqaratik kukkunersiuisumut ilisimatitsissutigineqartut saniatigut aammalu naatsorsuutitut saqqummiunneqartunut sunniuteqanngitsooq.

3.3 NAKKUTILLIINISSAMIK SUUSUPAGINNINNEQ

Aqutsisut nakkutilliinissamat periarfissaasumik qaangiinnaanerisa kingunerisaanik ukiumoortumik naatsorsuutitut tunngatillugu annertuumik kukkusoqarsinnaanerata ilimanartoqarsinnaaffii qulaajaaffiginissaat siunertarlugu, kukkunersiuilluta ukuninnga suliaqarpugut:

- Suliffeqarfiup aningaasanik isertunik anisunillu nalunaarsuiffiani ukiup ingerlanerani nalunaarsukkanik misissuivugut, pissusissamisuunngitsunik nalunaarsuineramik, suliffeqarfiullu nalinginnaasumik ingerlatsineranut attuumassuteqanngitsunik misissuisimalluta

- nalunaarsuinerit annertuut iluarsinerillu allat, naatsorsuutunik naammassinninnermut atatillugu, tigusillattaariffigalugit misissuiffigisimavagut

Annerusumik piffissamik kukkusumik nalunaarsuinerit, nalunaarsuinerit pissusissamisuunngitsunik imaluunniit suliffeqarfiup nalinginnaasumik ingerlatsineranut attuumassuteqanngitsunik nalunaarsuinerit, kukkunerisuiunitsinnut atatillugu takusaqarsimangilagut.

Taamaattumik illup iluani nakkutilliinernik suusupaginnittoqarsimanera takussutissaqartingilarput.

3.4 UKIUP INGERLANERANI KUKKUNERSIINEQ INGERLANNEQARTOQ

Ingerlaavartumik kukkunerisuiineq pisimavoq ukiup ingerlanerani suliffeqarfimmut misissuiartornikkut. Ingerlaavartumik kukkunerisuiinerup siunertaraa, pisut nalaanni susassaqtullu peqatigalugit kukkunerisuiinissaq, periarfissiisoq pitsangorsaataasinnaasunik siunnersuuteqarnissamut, aningaasartuutaasinnaasut navialiffiusinnaasullu soorunami ilanngullugit eqqarsaatigalugit, kiisalu qulakkeerumallugu suliffeqarfiup naatsorsuutaasa isumannaatsumik tungavissagissaarlunilu suliarineqarsinnaanerit.

Suliffeqarfiup suleriaasii misissuiffigisimavagut, paasiniarlugu ukiumoortumik naatsorsuutini sumi annertuumik kukkunissamut periarfissaqarnerisooq. Paasisaqarutta tamakku saqqummiutissavagut, suliffeqarfiup paasiniassammagu kukkunerisuiinerup tungaatigut immaqalu naatsorsiornerup tungaatigut kinguneqassanersut.

Ingerlaavartumik kukkunerisuiinermit suliffeqarfimmi illup iluani nakkutilliinermit periutsit, IT-mik atuilluni nakkutilliinerit aamma immikkoortortaqaqarfinni immikkut toqqarlugit suleriaatsit misissuiffigisimavagut. Pingaartuutissimavarput aqutsineq siulersuinerlu aallaavigalugit kukkunerisuiinermit ingerlatsissalluta, taamaaliornitsigullu suliffeqarfimmi siunertat periutsillu aaqqissuunneqarsimasut ukkassimavagut, kiisalu periutsit siunertallu tamakku periaatsinit aaqqissuussaasunit aqutsisuniillu nakkutigineqarnerisut.

3.5 INAARUTAASUMIK KUKKUNERSIINEQ

Kukkunerisuiinermit naammassisap siunertarivaa, ukiup ingerlanerani kukkunerisuiinermit naammassisamik tungaveqartumik inerniliussaasut il.il. sul. atuuttuunissaasa uppersarnarneqarnissaat.

Inaarutaasumik kukkunerisuiinerup ilanngullugu siunertaraa, suliffeqarfiup naatsorsuutaasa annertuumik kukkuneqannginnissaasa qulakkeernissaat.

Tassa imaappoq, ukiumoortumik naatsorsuutit pingaarutilinni tamani eqqortuusut, tassalu Namminersorlutik Oqartussat suliffeqarfiutaasa nammineertit naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumi malittarisassat naapertorlugit suliarineqarsimasut.

4 NAATSORSUUSERINEQ ILLULLU ILUANI NAKKUTILLINEQ

4.1 SULERIAATSIT ALLAASERINEQARNERAT

Suliffeqarfiup suleriaatsinik aamma illup iluani nakkutilliinernik allaaserisai misissorpagut. Taamatuttaarlu naliliiffigaarput suliffeqarfiup allaaserisai aningaasanik aqutsineranik, karseqarneranik naatsorsuuseriveqarnissaalu pillugu malittarisassat pillugit sinaakutissanik maleruagassanillu nalinginnaasumik atorneqartunik naammassinninnerisut.

Inerniliineq

Isumaqarpugut allaaserineqartut pisariaqartut ilaatigut suliffeqarfiup karseqarnermut naatsorsuuseriveqarnermullu sinaakutissai malittarisassaalu allaaserineqarsimasut, tassunga ilanngullugit illup iluani nakkutilliinerit aqutsisullu nakkutilliinerisa qaffasissusiat.

Immikkoortuni tullerni nakkutilliinerit suleriaatsillu pingaarutillit ulluinnarni qanoq ingerlasarnersut misilerarparput.

4.2 AKILIGASSANIK SULIAQARNEQ, SULIASSAQARFINNIK AVISSAAQQATITSINEQ ILLULLU ILUANI NAKKUTILLIINEQ

Suliffeqarfiup pisiniarnerni illup iluani nakkutilliisarneri suleriusaalu, matumani ilanngullugu akiligassat allagartaannik suliaqarnermi suliffeqarfiup malittarisassat suleriaasissat allaaserineqarnerini aalajangersarneqartut malinnerai sukumiisumik samminiarylugit qinersimavarput.

Allaaserisat suliffeqarfimmi elektroniskiusumik akiligassat allagartaannik suliaqarnermi tunngaviusumik maleruaqqusamik makkuninnga imaqarput:

- Ilanngussat tamarmik tunngaviatigut inunnit marlunnit akuerineqartartussaapput.
- Missingsuutitut akisussaasut kvartalikkutaartumik atuineq malittareqqitassavaat.

Akiligassanik ataasiakkaanik isumaginninnermi illup iluani nakkutilleeriaatsinik tamakkunangga malinninersut aammalu tulluurtumik isumannaatsumillu aqqissuunneqarsimanersut misissorparput.

Inerniliineq

Oqaatigineqassaaq suliffeqarfimmi aqutsisut mastercardinik pingasunik tunineqarsimmamata. Tamannali sanngheetitut annertuutut isigineqanngilaq, ilanngussat inunnit marlunnit peqatigiilluni akuerineqartartussaammata.

Paasinninnerput malillugu suliffeqarfiup pisiniarnernut suleriaasissai, tassunga ilanngullugit ilanngussanik suliarinnittarneq ataatsimut isigalugu toqqissisimanartumik ingerlalluurtumillu aqqissuunneqarsimasoq.

5 AKISSARSIAT SULISOQARNERMULLU TUNNGASUT

5.1 SULERIAATSIT SULIANILLU KUKKUNERSIUINEQ

Asiami akissarsianik aqutsineq Aningaasaqarnermut Sulisoqarnermullu Aqutsisoqarfimmit isumagineqarpoq. Akissarsisitsisarnep eqqortuunera inatsisinullu, malittarisassanut isumaqatigiissutinullu atuuttunut naapertuunnissaa Asiamit ataatsimoortumik akisussaaffigineqarpoq.

Aningaasaqarnermut Sulisoqarnermullu Aqutsisoqarfiup taamaalilluni Asiamit paasissutissat tunngavigalugit akissarsianik naatsorsuineq akiliuteqartarnerlu isumagisarpaa. Sulisut akissaatitigut isumaqatigiissutinut eqqortumik inissinneqarsimanissaannik eqqortumillu tapeqartinnissaannik qulakkeerinninnissaq Asiamit isumagineqarpoq. Tamatuma saniatigut akissarsiat immikkoortui allangorartut nalunaarutiginnissaat aammalu akissarsiat akilerneqartut ataatsimut isigalugit eqqartuunissaasa nakkutiginnissaat Asiamit akisussaaffigineqarpoq.

Sulisunut ataasiakkaanik akissarsiatigut tigulaarilluta kukkunersiuivugut. Akissarsiatigut kukkunersiuineri siunertaavoq, akissarsianik nalunaaruteqartarneq tunniussisarnepu toqqissisimanartumik ingerlasarnissaannik qularnaarinninnissaq.

Aningaasarsianik misissuinitinni aallaavigaarput suleriaatsit illullu iluani nakkutilleeriaatsit, aningaasarsiat pilersarnerannut sunniuteqartut, qitiusumi ungataatungaanilu. Tamatuminnga tunngaveqarluta aningaasarsianut tunngasut arlallit suleriutsinut sanilliullugit misilerarsimavagut.

Inerniliineq

Paasineqarpoq akissarsialerivimmi suleriaatsit, kiisalu nakkutilliinerit ingerlanneqarsimasut uppersarsakkat suliffeqarfiup allaaserisimangikkai uppersarsaasernagillu.

Isumaqarpugut taama ittut pigineqartariaqartut.

Akissarsianut suliassaqarfimmi sulianik suliarnittarnermi pitsaassutsimik nakkutilliinermik aamma ingerlatsisoqarneq ajorpoq.

5.2 AQUTSISUNUT AKISSARSIAT

Aqutsisunut akissarsiat misissorpagut ilaatigullu nakkutigalugit,

- atorfininnermi allakkiamik atsiukkat peqarnersoq
- atorfininnermi allakkiaq naapertorlugu akissarsiat inissinneqarsimanerat akissaatinut isumaqatigiisummut atuuttumut naapertuunnersoq
- atorfininnermi allakkiaq aamma akissarsiat tunniunneqartut naapertuunnersut
- immikkut akiliutigineqartunut tunniunneqarnerinut uppersarsaatissaqarnersoq
- immikkut akiligineqartoq eqqortumik aningaasartalerlugu tunniunneqarsimanersaq.

Inerniliineq

Akissarsianut tunniunneqartunut tunngatillugu kukkunernik nassaartoqangilaq.

6 INATSISIT ATUUTSINNEQARNERANNIK KUKKUNERSIUNEQ, PISORTAT INGERLATSIVIINI INATSISIT MALILLUGIT KUKKUNERSIUNEQ, PISORTAQARFINNI KUKKUNERSIUIINERMUT NAJOQQUTASSAT MALILLUGIT (SOR 6 AAMMA 7)

Namminersorlutik Oqartussat suliffeqarfiutaasa nammieertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017 naapertorlugu kukkunersiuneq inatsisitigut pisussaaffigisaq aningaasaqarnikkut kukkunersiuinermik, inatsisit tunngavigalugit isornartorsiulluta kukkunersiuinermik aammalu ingerlaavartumik ingerlatsivinnik kukkunersiuinermik imaqarpoq.

Inatsisit atortinneqarnerat pillugu kukkunersiuneq aamma pisortat ingerlatsiviinik kukkunersiuneq pisarpoq aningaasarsiorneq pillugu kukkunersiuiinermut ilanngullugu peqatigitillugulu suliassaqarfinni inatsisitigut aqunneqartussaasuni suliassaqarfinnilu pingaaruteqartuni.

6.1 SIUNERTAQ

Pisortanut kukkunersiuinermi ("SOR") suliatigut periutsini aalajangersarneqarpoq, kukkunersiulluni ingerlatsinerup tamakkiisup ilaatut Inatsisit tunngavigalugit kukkunersiuneq aamma Ingerlatsivinnik kukkunersiuisarnerup iluani pilersaarutinut sammisanut allattukkanut aalajangersimasunut arlalinnut kukkunersiuisartup ukiut tallimanut misissuissaaq.

Ukioq manna sammisaq inatsisit atortinneqarnerat pillugu kukkunersiuiinerup ataani samminiarlutigu toqqarsimavarpur "Akissarsiat atorfinitsitsinermilu aalajangiinerit" aamma pisortat ingerlatsiviini kukkunersiuisarnerup ataani "Suliniutinik isumalluutinillu aqutsineq.

6.2 KUKKUNERSIUIINERUP ANNERTUSSUSIA INGERLANNEQARNERALU

Inatsisitigut-isornartorsiuiinermillu kukkunersiuiinerup aamma ingerlatsivimmit kukkunersiuiinerup naammassinnaanut suliffeqarfimmi akissarsialerinerup suliassaqarfimmi tamakkiisumik ingerlatsineranik misissuivugut.

Aqutsisut aqutsinermut aqqissuussinermik aalajangersaasimanersut misissorparput, tamannalu aqutsinermut sakkussanik naleqquttunik aamma suliffeqarfimmi aningaasaqarnermik aqutsinermik naleqquttunik ikorfartorneqarnerseq misissorlugu.

6.3 INATSISIT ATUUTSINNEQARNERAT PILLUGU KUKKUNERSIUINERUP INERNERA

Misissugassatut tigusiffigisatsinni paasivarpur sulisumut ataatsimut qaammammut immikkut ittumik siammakkamik tapisiaqartitsisoqartoq kr. 2.000-inik, tamannalu akissaatitigut isumaqatigiissummut naapertuutinngitsoq.

Immikkoortortani misissugassatut tigusiffigisani allani akissarsiat akissaatitigut isumaqatigiissutit aamma isumaqatigiissutit atuuttut malillugit tunniussisoqartarnera nakkutigineqarpoq.

Misissugassatut tigusiffigisat aallaavigalugit paasinninnerput naapertorlugu suliffeqarfiup aningaasarsiatigut aamma atorfeqartitsinikkut inissisimaffii isumaqatigiissutaasartut atuuttut isumaqatigiissutaasartullu allat atuuttut piumasaqaataasunut naapertuupput. Tigulaarinnilluni misissukkani kukkunernik amigaatinilluunniit annertuunik nassaangilagut.

Misissuineq inassuteqaateqarnissamut pissutissaqartitsinngilaq.

6.4 PISORTAT INGERLATSINERANNIK KUKKUNERSIUINERUP INERNERA

Suliffeqarfiup akissarsianut suliassaqarfimmi missingersuutiniq aqutsinerata misissornerqarnera tunngavigalugu aqutsineq pisuussutiniq nalilinnik atuinermut tunngatillugu pingaarnerusutit igillorsorneqarsinnaasutut isigineqarsinnaavoq.

Naliliinerput malillugu aningaasaqarnermik ingerlaavartumik aqutsineq, missingersuutiniq malittareqqiinerit kvartalikkuaartut ilanngullugit, sammisanik pisuussutinillu nalilinnik aqutsinermut ikorfartuupput pisuussutiniq nalilinnik sipaarniarfiusumik, angusaqarfiulluurtumik sunniuteqarluurtumillu atuinermut tunngatillugu.

Misissuineq inassuteqaateqarnissamut pissutissaqartitsinngilaq.

7 SULIFFEQARFIUP QARASAASIARSORNERMINIK NAKKUTILLIINERATA KUKKUNERSIORNEQARNERA

Suliffeqarfiup qarasaasiarsornerminik nakkutilliinera aamma suliffeqarfiup qarasaasiarsornerminik nakkutilliinerani nalinginnaasumi sannguequtaasinnaasut amigaataasinnaasullu ukiumoortumik naatsorsuutini kukkunernik amigaatinilluunniit annertuunik kinguneqarsinnaanngitsut nalilerparput.

Taamaattumik suliffeqarfiup qarasaasiarsornerminik nakkutilliineranik nalinginnaasumik misissuinngilagut.

8 UKIUMOORTUMIK NAATSORSUUTIT KUKKUNERSIORNEQARNERAT

8.1 NAATSORSUUTIT ILUSILIGAANERAT IMARISAALLU

Suliffeqarfiup naatsorsuutiniq saqqummiussinera Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imi malittarisassat naapertorlugit ingerlanneqarsimanersoq misissorparput.

Nalunaarusiami aalajangersarneqarpoq Kalaallit Nunaanni ukiumoortumik naatsorsuusiortarneq pillugu inatsit pillugu peqqussummi qaqugukkulluunniit atuuttumi inuiaqatigiit isiginiarlugit, inatsisillu immikkut ittut malillugit malittarisassiorneqarluni suliffeqarfik Namminersorlutik oqartussat pigisaattut ingerlanneqartuunerata kingunerisaanik nikingassutit atorlugit ukiumoortumik nalunaarusiortoqassasoq.

Ukiumoortumik naatsorsuusiortarneq pillugu inatsimmi aalajangersakkanit nikingassutit ukiumoortumik naatsorsuutini naatsorsueriaaseq atorneqartut pillugu immikkoortumi immikkut allaaserineqarput.

Suleriaatsit illullu iluani nakkutilliinermik aaqqissuussinerit, qarasaasiatigut nakkutilliinerit ilanngullugit, suliffeqarfiup atulersissimasai ukiumoortumik naatsorsuutininut naatsorsuutitigut tunngavissat tulluurtut qulakkeerumallugit misissorpagut.

Misissuinitisinni nalilersorsimavarput, suliffeqarfik naammattumik qulakkeerinninniarsimanersoq eqqortumik naatsorsuusiornissaq pillugu, suleriaatsit, akisussaaffiliinerit, aqutsisut nakkutilliinerinik atuilluni, ilanngullugit atortuutininut pilersaarutit aqutseriaatsillu allat.

Pisariaqartumik immikkoortitereqqinnissat paasineqarnissaannut naatsorsorneqarnissaannullu tulluurtumik tunngavissamik pigisaqartoqarnersoq paasiniarnikuuarput.

Ukiumi kingullermi naatsorsuutininut sanilliullugu suliffeqarfimmi naatsorsuutininik suliaqartarnermik allannguisoqarsimanersoq naliliiffigaarput, taamaattoqarsimappallu allannguutit Naalakkersuisunit akuerineqarsimanersut.

Aammattaq allannguutit ingerlanneqartut Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imut naapertuunnersut, aammalu naatsorsuutininik saqqummiussinerimi naammattumik erseqqisarneqarsimanersut nalilersuiffigineqarpoq.

8.1.1 Aqutsisut nalunaarutaat

Ukiumoortumik naatsorsuutininik kukkunerisuiunitsinnut atatillugu akisussaaffigaarput aqutsisut nalunaarutaat atuassallugu tassungalu atatillugu aqutsisut nalunaarutaata ukiumoortumik naatsorsuutininut imaluunniit uagut kukkunerisuiunitsinni ilisimalikkatsinnut naapertuulluarnersoq imaluunniit allatigulluunniit kukkusumik paasissutissiinermik annertunerusumik imaqarnersoq isumaliutigissavarput.

Tamatuma saniatigut akisussaaffigaarput aqutsisut nalunaarutaat inatsisit attuumassutillit naapertorlugit paasissutissanik piumasarineqartunik imaqarnersoq isumaliutigissallugu.

Tassungalu atatillugu paasivarput suliffeqarfiup nassuiaataani arlalinnik amigaateqartoq pingaartumik inuiaqatigiinnut akisussaassuseqarnermut, avatangiisinut sunniuteqarnermut il.il. pissutsit pillugit.

Amigaatit pineqartut aqutsisoqatigiinnut nalunaarutigineqarput 2026-mullu ukiumoortumik naatsorsuutininut naleqquttumik annertussusilimmik iluarsisuteqarfiginissaat isumagiarneqarpoq.

Naliliivugulli amigaatit pineqartut aqutsisut nalunaarutaata imarisaanik ataatsimoortumik naliliinermut pingaaruteqanngitsut.

8.1.2 Inerniliineq

Suliffeqarfiup naatsorsuutininik saqqummiussinissamut piffissamut pilersaaruteqarnera paasivarput naatsorsuutininu eqqortumik saqqummiussinissap qulakkeernissaanut suliassanik agguataarisoaqarsimalluni.

Isumaqarpugut suliffeqarfiup naatsorsuutininik saqqummiussinera naatsorsuutininik saqqummiussinissamut malittarisassat atuuttut naapertorlugu ingerlanneqarsimasoq.

8.2 ISERTITAT

8.2.1 Aningaasaliissutit

2025-mut aningaasanut inatsisissaq naapertorlugu aningaasaliissutit tunngaviusut nakkutigineqarput, taamatuttaarlu ilassutitut aningaasaliissutinik Namminersorlutik Oqartussat attaveqarfigalugit nakkutigineqarlutik.

Isumaqarpugut aningaasaliissutit naatsorsuutini eqqortumik allattorneqarsimasut.

8.2.2 Sullissinernik tuniniaaneq

Sullissinernik tunisat misissugassatut tigusiiffisat aallaavigalugit nakkutigineqarput akiligassiisummut atassuteqartumut naleqqiullugit aningaasaqarneq akisussaassusilik qulakkeerniarlugu, suliaqarfik isertitanik matussuserneqartoq minnerpaamik oqimaaqatigiittussanngorlugu.

Isumaqarpugut akigitat atorneqartut ataatsimut isigalugit ingerlatanut isertitanik matussuserneqartartunut oqimaaqatigiissitsisuusut.

8.3 AKISSARSIAT AKISSARSARITINNEQARTULLU

Ukiumoortumik naatsorsuutit kukkunersiornerini suliffeqarfiup akissarsianik akissarsiaritinneqartunillu akiliuteqartarnermi illup iluani nakkutilliinermut tunngatillugu suleriaasii il.il. misissorpagut.

ASA-mit akissarsiat tamakkiisut nalunaarsorsimaffii naatsorsuuserivimmut/ukiumoortumik naatsorsuutitut naligiissarneqarsimanersut misissorneqarpoq.

Inerniliineq

Naliliinerput naapertorlugu illup iluani nakkutilliinerit toqqissisimanartumik suliffeqarfiullu najoqqutassiai atuuttut naapertorlugit ingerlanneqarput.

8.4 OQIMAAQATIGIISSITSINEQ

8.4.1 Tamanut tunngatillugu

Inaarutaasumik kukkunersiuiunitsinni arlalinnik iliuuseqarpugut nalilerniarlugu, suliffeqarfiup pigisaasa akiitsuisalu suliffeqarfimmuut Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumi piumasaqaataasut naapertorlugit eqqortumik suliarineqarsimanersut.

Misissuinerput oqimaaqatigiissitsinermi toqqakkanik pineqartunik ilaqarpoq, ilaatigullu makku pillugit misilittaavugut misissuillutalu:

- qulakkeerumallugu suleriaasissioroqarsimanersoq, oqimaaqatigiissitsinerni pineqartut tamarmik oqimaaqatigiissinneqartarnissaat
- oqimaaqatigiissitsinernik suleriaatsit tulluurtumik aqutsisunit nakkutigineqarnerisut
- pineqartut nassuiaasorsorneqarsimassasut, uppersaasorsorneqarsimallutik, uuttorneqarsimallutik maleruagassat atuuttut naapertorlugit
- aningaasat tigoriaannaatit eqqortumik ilanngunneqarsimanersut eqqortumillu piffissalersugaanersut
- akiitsulinnit pissamaatit eqqortumik ilanngunneqarsimanersut eqqortumillu piffissalersugaanersut
- nammineq aningaasaatit agguataarsimanersut, nalunaarsorsimanersut eqqortuunerannillu uppersaasorneqarsimanersut

- akiitsut pisussaaffiit eqqortumik ilanngunneqarsimanersut piffissamut eqqortumut.

8.4.2 Sanaartukkanik pigisat nalillit

Sanaartukkanik pigisat nalillit tassaaginnarput sanaartukkanik pigisanik nalillit nunaminertanut illuutinullu, IT-mut atortunut, atortulersuutitut allanut, ingerlatsinermi atortunut pigisanullu pequtinullu aammalu ininik attartukkanik ilusilersuinermit agguataarsimasut.

Misissugassatut tigusiffigisat aallaavigalugit tamatumunnga suleriaaserineqartut misissorpagut uppernarsaasiornermut aammalu nalikilliliinissamut piffissat misilittarniarlugit. Isumaqarpugut sanaartukkanik pigisanik nalillit naatsorsuutitut eqqortumik ilanngunneqarsimasut.

8.4.3 Kaaviiartitsinermi pigisat

Kaaviiartitatigut pigisat annertunerpaatigut tassaapput allanik sullissilluni suliat ingerlanneqartut, pissamaatit, piffissanut killiliussat aamma aningaasat tigorianaat uningasuutit.

Allanik sullissilluni suliat ingerlanneqartut misissorpagut, misissugassatut tigusiffigisat aallaavigalugit nalunaaquttap akunnerinik nalunaarsorneqartunut aningaasartuutinullu aammalu acontomik akiligassiissutitut ingerlanneqartunut tunngavissaq nakkutigalugu. Misissuereernerup kingorna isumaqarpugut suliat ingerlanneqartut naatsorsuutitut eqqortumik ilanngunneqarsimasut.

Suliffeqarfimmut akiligassalittut nalunaarsorsimasut misissorpagut, tamungaannarlu tigusiffigisarlugit misiligutinik aallerfigisarlugit. Akiligassallit misissorneqarnerisa kingorna paasinninnerput naapertorlugu 2025-p naalernerani akiligassallit eqqortumik ilanngunneqarsimasutut isigineqarsinnaapput.

Pisassarisat allat siornamut naleqqiullugu allanngorsimanninnerat nakkutigineqarpoq. Taamaattumik inassutigissavarput pisassarisat tiguneqartussatut sulii naatsorsuutigineqarnerinut tunngatillugu tamatumunnga saldomik naliliisoqassasoq.

Aningaaserivimmut piffissap iluani suliat 31. decembari ikkunneqarsimanersut, aningaaseriviullu nalunaarsugaanut oqimaaqatigiissinneqarsimanersut misissorpaput. Aningaaserivimmit sullissinerup takussutissartaanik pissarsiniarpugut.

8.4.4 Nammineq aningaasaatit

Nammineq aningaasaatit tassaapput suliffeqarfiup aningaasanik naliliutai, akiitsut ilanngaatilugit.

Nammineq aningaasaatigisat katinnerat ilanngunneqarsimanersooq aammalu 2025 naalernerani oqimaaqatigiissitsinermit eqqortumik takutinneqarnerisooq misissornikuuarpud.

8.4.5 Akiitsut

Akiitsut ukiup ataatsip iluani akilerneqartussat pillugit oqimaaqatigiissitsinerit misissorpagut, akiligassallu allagartaat taamungaannaq tigusiffigisarlugit misilittarlutigit, takujumallugu eqqortumik piffissalersugaanersut, akiligassaq suliffeqarfimmut attuumassuteqarnerisooq, aammalu akilerneqarsimanersooq.

8.4.6 OQIMAAQATIGIISSITSINERMIK KUKKUNERSIUINERMUT EQIKKAALLUNI INERNILIINEQ

Killiffilersuinermit kontut oqimaaqatigiissarneqarsimanissaat isummerfigineqarsimasooq paasineqarpoq tassunga ilanngullugu kina oqimaaqatigiissaarissanersooq, aammalu kina oqimaaqatigiissaarinerit ingerlanneqarnerinik nakkutilliinissamut akisussaasuunersooq.

Aammattaaq oqimaaqatigiissaarinerit qanoq akulikitsigisumik suliarineqartarnissaat isummerfigineqarpoq.

8.5 AKIITSOQARFIIT ILISIMANNGISAT

Naatsorsuutini nalorninartut oqimaaqatigiissitsinermi ilaatinneqarneq ajorput, makkuusinnaallutilli qularnaveeqqusiinerit, attartornermi isumaqatigiissuteqarnikkullu pisussaaffiit.

Suliffeqarfiup pisussaaffii naatsorsuutininu nassuiaatitut naqinneqarnikuusut misissornikuuagut tassungalugu atatillugu aqutsisunit atsiorneqarsimasumik aqutsinermut uppersaammik tigusaqarnikuulluta, ilaatigut paasissutissat eqqortuunerinut tamakkiisuunerinullu uppersaatitut.

9 SULIASSAT ALLAT

Suliffeqarfimmut misissuinerit, ikiuilluni suliassat siunnersuinerimillu suliassat makku suliarivagut:

- Ukiumoortumik naatsorsuutininu inissiinerimik ikiuineq

10 AQUTSISUT NAATSORSUUTIT PILLUGIT UPPERNARSAANERAT

Ukiumut naatsorsuutininu kukkunersuinerimut atatillugu pisortaqaatigiit uagutsinnut naatsorsuutininu uppersaanerminni 2024-mi ukiumut naatsorsuutit pillugit pisut pingaarutilimmik sunniuteqarsinnaasut uppersarpaat, tamatumani tassunga pisariaqartillugit naliliiffiginikuusatsinnut.

Allaganngorlugu uppersaamat paasissutissanik imaqarpoq sallunaveeqqusiussanik qularnaveeqqusiussanillu, eqqartuussivilersuussutininu, oqimaaqatigiissitsinerup kingornatigut pisimasunik, pissutsit iluarsivigineqarsimanngitsut allattorsimaffiannik, suliassaqarfinnilu allani kukkunersuinerimik uppersaasersoruminaatsunik piusunik.

Naatsorsuutit pillugit uppersaamat tiguneqartoq oqaaseqaateqarnissamut pissutissaqartitsinngilaq.

11 KUKKUNERSIUISUP UPPERNARSAANERA

Uppersarparput,

- inatsisini piunasaqaatigineqartutut kiffaanngissuseqartuunerput
- kukkunersuinerup ingerlanerani paasissutissat qinnutigisagut tamaasa pissarsiarigatsigit.

Nuuk, ulloq 30.04 2026

BDO Statsautoriseret revisionspartnerselskab
CVR-nr. 45 71 93 75



Bo Colbe
Statsautoriseret revisor
MNE nr. 24634



Peter Damsted Rasmussen
Statsautoriseret revisor
MNE nr. 40021

ILANNGUSSAQ 1, KUKKUNERSIUISUT UPPERNARSAATAAT - KUKKUNERSIINEQ PILLUGU INERNILIINEQ

KUKKUNERSIUISUP ARLAANNAANULLUUNNIIT ATTUUMANNIGITSUT UPPERNARSAASIINERA

INATSISARTUNUT

Inerniliineq

Inerniliineq

Asiaq Misissueqqaarnerit, CVR-nr. 25738667, ukiumoortumik naatsorsuutaat ukiumut naatsorsuusiortiusumut 1. januaari 2025 - 31. decembarimi 2025-mut kukkunersiorpagut, taakkununga ilaallutik naatsorsuutitigut angusat nalunaarsorneqarnerat, oqimaaqatigiissitsineq, aningaasanik kaaviiartitsinerup nalunaarsorneqarnera aamma nassuiaatit, tassunga ilaalluni naatsorsuusiortnermi periuseq atorneqartoq. Ukiumoortumik nalunaarusiaq Namminersorlutik Oqartussat suliffeqarfiutaasa nammieertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumi malittarisassat malillugit saqqummiunneqarpoq. Nalunaarusiami aalajangersarneqarpoq Kalaallit Nunaanni ukiumoortumik naatsorsuusiortarnek pillugu inatsit pillugu peqqussummi qaqugukkulluunniit atuuttumi inuiaqatigiit isiginiarlugit suliffeqarfik Namminersorlutik Oqartussat pigisaattut ingerlanneqartuunerata kingunerisaanik nikingassutit atorlugit ukiumoortumik nalunaarusiortoqassasoq, inatsisiliornermi immikkut ittumi maleruagassiorneqarluni.

Uagut isumaqarpugut ukiumoortumik naatsorsuutit suliffeqarfiup pigisaanik nalilinnik, akiitsuinik aamma aningaasaqarnikkut inissisimaneranik 31. decembari 2025 killigalugu eqqortumik takussutissiisut aammattaq suliffeqarfiup ukiumi naatsorsuusiortiusumi 1. decembari 2025 - 31. decembari 2025-mut ingerlatsinermini angusai Namminersorlutik Oqartussat suliffeqarfiutaasa nammieertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumut naapertuuttut, tassunga ilanngullugu Kalaallit Nunaanni ukiumoortumik naatsorsuusiortarnermut inatsit pillugu peqqussum, suliffeqarfittut Namminersorlutik Oqartussat pigisaattut ingerlanneqartuunerup kingunerisaanik inuiaqatigiit isiginiarlugit, immikkut inatsit tunngavigalugu maleruagassiorneqarnermini nikingassutit atorlugit.

Inerniliinermit tunngaviusoq

Kukkunersiuinerput ingerlapparput nunat tamalaat akornanni kukkunersiuineq pillugu maleruagassat nalinginnaasut tunngavigalugit aamma piumasaqaatit allat Kalaallit Nunaanni atuuttut tunngavigalugit, aammattaq pisortat suliffeqarfiutaanni kukkunersiuinermit nalinginnaasut, tassami kukkunersiuineq Namminersorlutik Oqartussat suliffeqarfiutaasa nammieertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersoq naapertorlugu ingerlanneqarmat. Akisussaaffeqarnitsinni malitassat piumasaqaatillu kukkunersiuineq uppernarsaasiinerani immikkoortumi "Kukkunersiuineq naatsorsuutit kukkunersiuinermini akisussaaffia"-ni sukumiinerusumik allaaserineqarput. International Ethics Standards Board for Accountantsinik, tassa kukkunersiuineq pissuserissaarnissaannut nunani tamalaani najoqqutassanik (IESBA Code) aamma pissuserissaarnissamut piumasaqaatit allat Kalaallit Nunaanni atuuttut naapertorlugit ingerlatsinitsivut suliffeqarfimmit akuliusimaffiqeqanngilugit, soorluttaq ileqqorissaarnissamut piumasaqaatit aamma IESBA Code naapertorlugit pisussaaffinnik naammassinnittugut. Uagut paasinnittaaserput naapertorlugu kukkunersiuineq uppernarsaat naammappoq aamma uagut inerniliussatsinnut tunngavissatut atorneqarsinnaavoq.

Aqutsisut ukiumoortumik naatsorsuutitut akisussaaffiat

Aqutsisut akisussaaffigaat ukiumoortumik naatsorsuutit nalunaarut naapertorlugu eqqortumik takussutissiisut suliarissallugit Namminersorlutik Oqartussat suliffeqarfiutaasa nammieertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumut naapertuuttut, tassunga ilanngullugu Kalaallit Nunaanni ukiumoortumik naatsorsuusiortarnermut inatsit pillugu peqqussum, suliffeqarfittut Namminersorlutik Oqartussat pigisaattut ingerlanneqartuunerup kingunerisaanik inuiaqatigiit isiginiarlugit, immikkut inatsit tunngavigalugu maleruagassiorneqarnermini nikingassutit atorlugit. Taamatuttaq aqutsisut akisussaaffigaat suliffeqarfimmi namminermit misissuisarnerit, ukiumoortumik naatsorsuusiortnermi eqqortumik takussutissiisunik pingaarutilinnillu kukkusumik paasissutissiinngitsumik suliaqarnissamut atatillugu aqutsisunit isigineqartut, tamanna peqqusersiornermik imaluunniit kukkunermik tunngaveqaraluarpuunniit.

Naatsorsuutit suliarineqarnerannut atatillugu aqutsisut akisussaassuseqarfigaat suliffeqarfiup ingerlatsinerminik ingerlatitsiinnarnissaminut piginnaaneqarnera nalilissallugu, ilisimatitsissutigissallugit pissutsit ingerlatsinerminik ingerlatitseqqinnissamut tunngasut, tamanna naleqquppat, aammattaaq ukiumoortumik naatsorsuutit suliarissallugit ingerlatseqqiinnarnissaq tunngavigalugu naatsorsuusiornermut periutsit tunngavigalugit, imaanngippat Naalakkersuisut siunertaralugu suliffeqarfiup uniinnarnissaa, ingerlatsineq unissanersoq imaluunniit allamik pivusorsiortumik periarfissaqannginnersoq taamaaliornissarlu kiserngorulluni.

Kukkunersuiusup ukiumoortumik naatsorsuutitut akisussaaffia

Uagut anguniagarput tassaavoq annertunerpaamik qularnaarniarlugu ukiumoortumik naatsorsuutit tamakkiisumik isigalugit pingaarutilinnik kukkusumik ilisimatitsinnginnerat, tamanna peqqusersiornermik imaluunniit kukkunerminik tunngaveqaraluarpuunniit, aamma kukkunersuiusut oqaaseqaataannik inerniliinertalimmik tunniussinissarput. Annertunerpaamik qularnaarinnineq tassaavoq qularnaarinnineq qaffassissoq, kisianni kukkunersuiueq tamanna nunani tamalaani maleruaqqusat nalinginnaasut malillugit aamma piumasaqaatit suli allat Kalaallit Nunaanni atuuttut tunngavigalugit suliarineqartoq, aammattaaq pisortat suliffeqarfiutaannik kukkunersuiuermi piumasaqaatit nalinginnaasut tunngavigalugit annertuumik kukkusumik ilisimatitsinerminik, taamaattoqarsimappat, tamatigut qulaajaasinnaaneramik qularnaarinerunngilaq. Kukkusumik ilisimatitsineq peqqusersiornermik imaluunniit kukkunerminik tunngaveqartumik pilersinnaavoq aamma pingaaruteqartut isigineqarsinnaavoq tupigisassaannngitsumik naatsorsuutigineqarsinnaappat, taakku ataasiakkaarlutik imaluunniit ataatsimoorlutik aningaasaqarnermut tunngatillugu aalajangiinernut sunniuteqarpata, naatsorsuutitut atuisuusut ukiumoortumik naatsorsuutit tunngavigalugit aalajangiinernut.

Kukkunersuiuinitsinnut atatillugu nunani tamalaani maleruaqqusat nalinginnaasut malillugit aamma piumasaqaatit suli allat Kalaallit Nunaanni atuuttut, aammattaaq pisortat suliffeqarfiutaannik kukkunersuiuermi nalinginnaasut tunngavigalugit ingerlanneqartumi, suliatigut nalilersuineq ingerlattarparput aamma kukkunersuiuernerup ingerlanneqarnerani ilinniakkavut tunngavigalugit qularnartoqartitsineq atortarparput. Tamakku saniatigut:

- Ukiumoortumik naatsorsuutit paasiartarparput aamma nalilersortarlutigu pingaaruteqartumik kukkusumik ilisimatitsisoqarsinnaaneranut nalorninartuusinnaasut, peqqusersiornermik imaluunniit kukkunerminik tunngaveqaraluarpuunniit, tamakkunani kukkunersuiuermi ingerlatsinerit ilusilersortarpavut aamma ingerlattarlutigik tamakkunani nalorninartuusinnaasut qisuariarfigalugit aammattaaq kukkunersuiuermi uppersaaneq angusarparput, naammaginarlutik aamma atorneqarsinnaasumik inerniliinissatsinnut tunngavigineqarsinnaasutut. Pingaarutilinnik kukkusumik ilisimatitsinerit peqqusersiornermik pissuteqartut paasinginnissannut nalorninartut pingaarutilinnik kukkusumik ilisimatitsinernut kukkunerminik pissuteqartunut naleqqiullugit annertunerupput, tassa peqquserlunnarluni peqatigiinniapilunnerit, peqquserlulluni uppersaasersuusiornermi, piaaraluneerluni ilanngussinnginnerit, salloqittaanerit imaluunniit suliffeqarfimmi namminerminik nakkutilliinermik sumiginnaanerit peqquserluttuliornernut ilaasinnaammata.
- Suliffeqarfimmi namminerminik nakkutilliinermik kukkunersuiuernermit paasinneq angusarparput, tassa kukkunersuiuermik naleqquttumik pissuseqartuusumik ingerlatsinerminik ilusilersuinaannitsinnut attuumassuteqartoq, kisianni suliffeqarfiup namminerminni nakkutilliinerata pitsaassusia pillugu inerniliinermik saqqummiussinissaq anguniarnatigu.
- Naatsorsuusioreaaseq aqutsisunit atorneqartoq naleqquttuunersoq, taamatuttaaq naatsorsuutitut tunngatillugu paasissutissanik attuumassuteqartunik nalilersuineq aqutsisunit suliarineqarsimasoq naammaginarlutuunersoq isummerfigisarparput.
- Aqutsisut ukiumoortumik naatsorsuutitut suli ingerlaqqinnissaq tunngavigalugu naatsorsuusiornermut periuseq tunngavisoq atorlugu suliaqarsimanerat naleqquttuunersoq inernilersimagutsigu, kukkunersuiuernermit uppersaaneermik angusaq tunngavigalugu malunnaateqarlutikum qularnartoqarnerisooq aamma pisunut imaluunniit pissutsinut attuumassuteqartunik, suliffeqarfiup ingerlatsinerminik nangitsinissamut piginnaaneqarnerannik annertuumik qularnarmik pilersitsisinnaanersut paasiarsimasarpavut. Uagut inerniliigutta malunnaateqarlutikum qularnartoqartarpoq, taava uagut kukkunersuiuermi oqaaseqaatitsinni tamanna pillugu paasissutissat naatsorsuutit eqqumaffigeqqussavagut, imaluunniit paasissutissat amigarpata inerniliinerput naleqqussassavaput. Uagut inerniliinitsinnut tunngaviuvoq kukkunersuiuermi uppersaaneq, kukkunersuiuinitsinnut atsiornitsinni qaammatsiutit ulluat taanna tikillugu angusarput. Taamaattorli siunissami pisut imaluunniit pissutsit suliffeqarfiup ingerlatsinerminik ingerlatsisinnaajunnaarnera kingunerisinnaavaat.

- Ukiumut naatsorsuutit tamakkiisumik saqqummiunnerat, ilusilersornerat imarisaalu, nassuiaatit paasisutissartaat ilanngullugit, aamma nalunaarsorsimasat pisimasullu ukiumut naatsorsuutini ersertut ilumut piviusumik takutitsinersut, isummerfigisarpavut.

Aqutsisut attaveqaqatigisarpagut ilaatigut kukkunerisiuinerup annertussusissaatut pilersaarut aamma kukkunerisiuinerup piffissami qaqugu ingerlanneqarnissaanut tunngatillugu, aammattaaq kukkunerisiuinerup malugisavut malunnaateqarluartut pillugit, tamatumunnga ilanngullugit suliffeqarfimmi namminerup nakkutilliinermut amigaataajunnartut malunnaateqarluartut kukkunerisiuinitisinni paasisavut pillugit.

Aqutsisut nalunaarutaat pillugu oqaaseqaat

Aqutsisut nalunaarutaannut aqutsisut akisussaassuseqartuupput.

Ukiumoortumik naatsorsuutit pillugit inerniliinitsinnut aqutsisut nalunaarusiaat ilanngunneqanngilaq, kiisalu aqutsisut nalunaarusiaat pillugu sumilluunniit qularnaatumik inerniliussamik saqqummiussinngilagut.

Kukkunerisiuinitisinnut atatillugu uagut akisussaaffigaarput aqutsisut nalunaarusiaat atuassallugu tassungalu atatillugu aqutsisut nalunaarusiaat pingaaruteqartutigit naatsorsuutininut imaluunniit uagut kukkunerisiuinitisinnut atatillugu ilisimasalikkatsinnut naleqqutinnginnerisut imaluunniit allatigut pingaaruteqartunik kukkusumik ilisimatitsinerup imaqarnerisut eqqarsaatigissallugu akisussaaffigaarput.

Tamatuma saniatigut aqutsisut nalunaarusiaat inatsisit attuumassuteqartut naapertorlugit paasisutissanik ilaqarnerisut eqqarsaatigissallutigu uagut akisussaaffigaarput.

Suliarisimasarput tunngavigalugu uagut isumaqarpugut aqutsisut nalunaarusiaat ukiumoortumik naatsorsuutininut naleqquttoq, aamma ukiumoortumik naatsorsuutit inatsisit attuumassuteqartut naapertorlugit suliarineqarsimasut.

Aqutsisut nalunaarusiaanni pingaaruteqartunik kukkusumik ilisimatitsisoqarsimaneranik naammattuunngilagut.

Inatsit aamma maleruagassat allat naapertorlugit uppernarsaaneg

Inatsisinik - sukumiisumik tunngaveqarluni kukkunerisiuineq aamma ingerlatsivinnik kukkunerisiuineq pillugit oqaaseqaat

Aqutsisut akisussaaffigaat iliuitsit naatsorsuutininik saqqummiussinerup ilanngunneqartut aningaasaliissutit nalunaarutigineqartunut, inatsisinut aamma najoqqutassanut allanut aammattaaq isumaqatigiissutininut isumaqatigiissutigineqarsimasunut aamma nalinginnaasumik periutsininut naapertuuttuunerat. Aqutsisut aammattaaq akisussaaffigaat aningaasaqarnerup tunngatillugu tapiissutit aqunneqarnerisa mianerineqarnerat, tassa ukiumoortumik naatsorsuutininut ilanngunneqarsimasunut tunngatillugu. Tamatumunnga atatillugu aqutsisut akisussaaffigaat atortunik aamma periutsininik, sipaarniarnerup, nioqqutissiornerup aamma aallussilluarnerup tapertaasussanik, pilersitsisoqarsimanissaq. Ukiumoortumik naatsorsuutininik kukkunerisiuinitisinnut atatillugu uagut akisussaaffigaarput inatsisit tunngavigalugit - sukumiisumik tunngaveqarluta kukkunerisiuineq aamma ingerlatsivinnik kukkunerisiuineq ingerlatissallugit - pisortat suliffeqarfiutaannik nalinginnaasumik kukkunerisiuinerup sammisat toqqakkat kukkunerisiorlugit.

Inatsisinik sukumiisumik tunngaveqarluta kukkunerisiuinitisinni sammisat toqqarneqartut isumannaatumik misissortarpavut, iliuitsit misissorneqartut naatsorsuutininik saqqummiussinerup ilaatinneqartut aningaasaliissutit pillugit aalajangersakkanut, inatsisinut aamma najoqqutassanut allanut aammattaaq isumaqatigiissutininut isumaqatigiissutigineqarsimasunut aamma nalinginnaasumik periutsininut tulluurtunut naapertuuttuunerat. Ingerlatsivinnik kukkunerisiuinitisinnut atatillugu nalilersorparput isumannaatsuuneg annertoq pigineqarnerisut atortunut, periutsininut imaluunniit iliuitsininut misissorneqartunut atatillugu, taakkua ingerlatsinerup aningaasaqarnerisut tapiissutit mianerineqarnerisut aamma sammisanik ingerlatsinerup ukiumoortumik naatsorsuutininut ilaatinneqartunut atatillugu.

Sammisat toqqarneqarsimasut ataasiakkaat pillugit kukkunerisiuinerup siunertarivaat kukkunerisiuinerup uppernarsaaninik naleqquttunik naammattunik pissarsinissaq, sammisat taanna pillugu qularnaveeqqusiinerup qularnaveeqqusiinerup tunngaviumik tunngaveqarsinnaasumik. Kukkunerisiuinerup nalaani malittarisassanik unioqqutitsinerit imaluunniit aqutsinerup amigaateqarnerit tamamik paasineqarnissaat tamakkiisumik qularnaveeqquserneqarsinnaanngilaq. Sammisat

toqqarneqarsimasut pillugit inatsisitigut pingaaruteqartumik misissuinerit aammalu allaffissornikkut misissuinerit kisimik ingerlassimagatsigit, qularnanngitsumik oqarsinnaanngilagut sammisat toqqarneqarsimasut avataanniittut malittarisassanik annertuumik unioqqutitsisoqarsinnaanngitsoq imaluunniit allaffissornikkut annertuumik amigaateqartoqarsinnaanngitsoq. Suliarisarput ingerlassimasarput tunngavigalugu inerniliigutta isornartumik oqaaseqaateqarnissamut pissutissaqartitsisunik naammattuulluta, taava tamakku oqaaseqaammi matumani nalunaarutigisussaavagut.

Tamatumunnga atatillugu malunnaateqarluartunik isortartumik oqaaseqaatissaqanngilagut.

ILANNGUSSAQ 2, PILERSAARUTIT MALITSEQARTITSINISSARLU - INGERLATSINERMIK KUKKUNERSIUINEQ AAMMA INATSISIT ATUUTSINNEQARNERINIK KUKKUNERSIUINEQ

Ukioq naatsorsuusiorfiusoq	Sammisanut pilersaarutit sammisallu		
	<i>Ingerlatsinermik kukkunersiuineq, tak. SOR 7</i>	<i>Inatsisit atuutsinneqarneri pillugit kukkunersiuineq, tak. SOR 6</i>	Malitseqartitsinermut oqaaseqaatit pingaarutillit
2025	Sammisanik pisuussutinillu nalilinnik aqutsineq akissarsianut suliaasaqarfimmi missingersuutunik aqutsinermut tunngatillugu.	Atorfinittoqarnerani akissarsianut atorfeqarnermullu tunngasut.	Oqaaseqaatissaqanngilaq

	2025
Inatsisit atuutsinneqarneri pillugit kukkunersiuineq	
Pisinerit	
Akissarsiat atorfeqarnermullu tunngasut	X
Tunisinerit	
Oqartussat akiliutinik akiliisitsiniartarnerat	
Tapiissutinik tunniussinerit il.il. pillugit aalajangiinerit	
Pisinnaatitaaffinnit aalajangikkamik nuussinerit	
Ingerlatsinermik kukkunersiuineq:	
Sammisanik pisuussutinillu nalilinnik aqutsineq	X
Anguniakkanik angusanillu aqutsineq	
Pisortat pisiortortarnerinik aqutsineq	
Ukiunut arlalinnut aningaasaliinermik suliniutini missingersuutunik aqutsineq	
Pisortat tapiissuteqartarnermut aaqqissuussinerinik aqutsineq	

ILANNGUSSAQ 3 Ivertinneqarnermi nalunaarut

Aallaqqaasiut

Kommunalbestyrelsep 6. novembari 2025-mi ataatsimiinnerani Asiaq Misissueqqaarnerit-nut (kingornatigut taaneqartoq "Suliffeqarfik") BDO Statsautoriseret Revisionspartnerselskab kukkunersuiusutut toqqarneqarmat, BDO Statsautoriseret Revisionspartnerselskab (kingornatigut "BDO"-mik taaneqartoq) kukkunersuiusutut nalunaarummi matumani suliassamut akuersaarnerput paasinninnerpullu uppersarsassavarput, tassunga ilanngullugu kukkunersuiuinnermut atatillugu BDO-p aamma Suliffeqarfiup akornanni akisussaaffinnik suliassanillu agguataarineq pillugu. BDO suliffeqarfimmut kukkunersuiusutut toqqarneqartut qinnuigineqarpoq Suliffeqarfimmut ukiumoortumik naatsorsuutit kukkunersioqqullugit. Ukiumoortumik naatsorsuutitut nalunaaruteqarnissamik suliassap saniatigut BDO aamma qinnuigineqarpoq naatsorsuutitut naatsorsukkanullu allanut nalunaarutinik saqqummiusseqqullugu.

Kukkunersuiuinnermut malitassiat naapertorlugit BDO naatsorsuusiortarnermi taaguusersuinnermut sinaakkusiussat naleqquttut aamma illup iluani nakkutilliineq naapertorlugit naatsorsuutitut il.il. suliqartarnermut akisussaaffini akueralugu paasillugulu aqutsisoqatigiinnit akuerineqassaaq aammalu Suliffeqarfimmi paasissutissanik inunnillu attuumassuteqartunik BDO pissarsisinnaatillugu.

Ukiumoortumik naatsorsuutit kukkunersiorneqarnerat

Aallaqqaasiut

BDO kukkunersuiusussatut suliffeqarfimmit toqqarneqarluni qinnuigineqarpoq Suliffeqarfiup ukiumoortumik naatsorsuutaanik kukkunersioqqullugu. Ukiumoortumik naatsorsuutit Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersoq naapertorlugu saqqummiunneqarput.

Nalunaarusiami aalajangersarneqarpoq Kalaallit Nunaanni ukiumoortumik naatsorsuusiortarnek pillugu inatsit pillugu peqqussummi qaqugukkulluunniit atuuttumi inuiaqatigiit isiginiarlugit, inatsisillu immikkut ittut malillugit malittarisassiorneqarluni suliffeqarfik Namminersorlutik oqartussat pigisaattut ingerlanneqartuunerata kingunerisaanik nikingassutit atorlugit ukiumoortumik nalunaarusiortoqassasoq.

BDO-p kukkunersuiuinissamik suliassamut akuersaarnini paasinninnilu immikkoortumi matumani uppersarsarpaa. Immikkoortoq BDO-p aamma suliffeqarfimmi aqutsisoqatigiit akornanni akisussaaffinnik suliassanillu agguataarinnermut piumasaqaatinik, kukkunersuiusup nalunaarusiorneranik aamma aqutsisoqatigiinnik attaveqateqarneranik aammalu kukkunersuiuinnermik suliassamut atatillugu suleqatigiinnermut najoqqutassanik imaqarpoq.

Siunertaq annertussusaalu

BDO kukkunersuiuinnermik ingerlatsissaaq ukiumoortumik naatsorsuutit pillugit inerniliinertaqartillugu qaffasissumik qularnaassusilimmik nalunaaruteqarnissaaq siunertaralugu.

BDO kukkunersuiuinnermik ingerlatsissaaq nunani tamalaani kukkunersuiueq pillugu malitassiat aamma piumasaqaatit allat Kalaallit Nunaanni atuuttut, aammalu pisortat suliffeqarfiutaanni ingerlatsinnermut malitassiat naapertorlugit, kukkunersuiueq Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumi piumasaqaatit tunngavigalugit ingerlanneqarmat.

Tamatunngalu BDO-p suliffeqarfimmut attuumanninnissaa pisariaqarpoq International Ethics Standards Board for Accountants'-imi nunani tamalaani kukkunersuiusut ileqqorissaartumik pissusilersornissaannut najoqqutassat (IESBA Code) naapertorlugit, aammalu BDO-p piumasaqaatit aamma IESBA Code naapertorlugit ileqqorissaarnissamut pisussaaffigisaminik naammassinninnissaa.

Ukiumoortumik naatsorsuutit eqqortuunerat nakkutigissavarput, aammalu naatsorsuutitut saqqummiussinnermi ingerlanneqartut aningaasaliissutitut nalunaarutigineqartunut, Inatsisartut Naalakkersuisullu aalajangiussaannut allanut, inatsisinut najoqqutassanullu allanut aammalu isumaqatigiissutaasunut nalinginnaasumillu suleriaaseqarnermut naapertuunnersut misissussavarput.

Aammattaq Inatsisartut aamma Naalakkersuisut aalajangiinnerinik piviusunngortitsineq suliffeqarfiullu susassaqarfiinik allanik ingerlatsineq aningaasaqarnikkut naleqquttumik isumagineqarsimanersoq naliliiffigineqassaaq.

Kukkunersuiusup pisussaaffigaa suliffeqarfiup naatsorsuuserineranik tassungalu atatillugu nakkutilliinissamut iliuutsit pilersinneqarsimasut akulikitsumik isorniartumik misissuisassalluni taakku toqqissimanartuunersut misissornissaat siunertaralugu.

Ukiumoortumik naatsorsuutit paasissutissanik kukkusunik annertuunik imaqaanginnissaat qaffasissumik qularnaassuseqarnissaat siunertaralugu BDO iliuusissanik pilersaarusiorluni ingerlatsissaaq.

Kukkunersuiusup akisussaaffeqarnera

Ukiumoortumik naatsorsuutini kukkunersuiueq aningaasanut paasissutissanullu ukiumoortumik naatsorsuutitut ilanngunneqartunut kukkunersuiuermi uppersaatissanik pissarsinissamut iliuutsinik imaqarpoq. BDO-p kukkunersuiuermini iliuutsini suliatigut naliliineq tunngavigalugit aalajangersartarpai, tassunga ilanngullugu ukiumoortumik naatsorsuutini annertuumik kukkusumik paasissutissiisoqarsinnaaneranut aarlerinaatinik nalilersuinermik, aamma kukkusumik paasissutissiineq peqquserlunnernik kukkunernilluunniit pissuteqaraluarpat.

BDO aammattaq pisortani kukkunersuiusernemi ileqqorissaarnissaq naapertorlugu kukkunersuiuermik ingerlatsiarpoq, tassunga ilaallutik inatsisit atortinneqarnerat pillugu kukkunersuiueq aamma pisortat ingerlatsiviinik kukkunersuiueq. Inatsisit atortinneqarnerat pillugu kukkunersuiuermi BDO-p suliarineqartut naatsorsuutini saqqummiussinnermut ilaatinneqartut aningaasaliissutitut tunniunneqartunut, inatsisinut najoqqutassanullu allanut aammalu isumaqatigiissutaasunut nalinginnaasumillu suleriaaseqarnermut naapertuunersut misissortarpaa. Pisortat ingerlatsiviinik kukkunersuiuermi BDO-p misissortarpaa aningaasanik aqutsinermi sammisanillu ingerlatsinermi naatsorsuutitut ilaatinneqartunut aningaasatigut akiligassat eqqarsaatigineqarsimanersut.

Kukkunersuiuermi aamma naatsorsuuseriaaseq aqutsisoqatigiinnit atorineqartussatut toqqarneqartoq naleqquttuunersoq aamma isummerfigineqartarpoq naatsorsuuserinermilu missiliuinerit aqutsisoqatigiinnit ingerlanneqartut naapertuunersut aammalu naatsorsuutini saqqummiussineq tamarmisoq naliliiffigalugu.

BDO kukkunersuiuermut atatillugu aamma kukkunersuiusumut tunuartumut saaffiginnissaq kukkunersuiusuisimasup tunuarneranut pissutaasut paasiniarnissaat siunertaralugu.

Kukkunersuiusernemi killilersuutaareersut pissutigalugit, tassunga ilanngullugu kukkunersuiuerup misissugassanik tigooraanermik aallaaveqarnera aammalu illup iluani nakkutilliinermit systemini suniluunniit killilersuuteqareenera pissutigalugu, ukiumoortumik naatsorsuutini kukkunerit annertuut paasineqanngitsooratarsinnaapput, aamma kukkunersuiueq pilersaarusiorluagaagaluarpalluunniit kukkunersuiuerlu pillugu nunani tamalaani malitassat aamma Kalaallit Nunaanni kukkunersuiuermut inatsisini piumasaqaatit allat naapertorlugit ingerlanneqaraluarpat.

Aarlerinaatinik pingaaruteqassutsimillu naliliineq

Ukiumoortumik naatsorsuutini kukkunersuiueq pingaaruteqassutsimut tunngavissaq aallaavigalugu aammalu suliffeqarfimmi aarlerinaatinut pissutsinik misissueqqissaarineq aallaavigalugu aqqqissuunneqassaaq. Kukkunersuiueq paasisat, misissuinerit, apeqquteqaatit, naatsorsueqqinnerit, naligiissuinerit, naatsorsuutini missiliuinermik misissuinermik, allakkatigut isumaqatigiissutitut misissuinermik, takussutissanik misissueqqissarnernillu misissugassanik tiguisarnikkut nakkutilliilluni ingerlanneqassaaq.

Kukkunersuiuermi iliuutsit amerlanersaat naatsorsuutini allattukkani nalunaarsuinermilu systemini annertuumik kukkuneqarfiusinnaasutut nalilerneqartuni ingerlanneqassapput. Kukkunersuiueq taamaalluni ukiumoortumik naatsorsuutit tamakkiisumik isigalugit allannortitsisussaannngitsunik kukkunernik annertunngitsunik paasisaqarnissamik iluarsiiinissamillu siunnerfeqanngilaq.

Suliffeqarfimmi suleriaatsit illullu iluani nakkutilliinerit kukkunersuiuermut toqqammavissaqartitsisinnaanerit apeqqutaatillugu, naleqquppallu, kukkunersuiueq suleriaatsinik illullu iluani nakkutilliinermik misileraanertut aqqqissuunneqassaaq. Tamatuma saniatigut kukkunersuiuermi uppersaatissat naatsorsuutitut allattukkanut naatsorsuutillu pillugit paasissutissanut allanut uppersaatissatut imaluunniit ilimanarnerulersitsisutut nalilerneqartut pissarsiariniarneqassapput.

BDO-p aarlerinaatinik naliliineranut atatillugu illup iluani nakkutilliineq suliffeqarfiup ukiumoortumik naatsorsuuserneranut attuumassuteqartoq isummerfigineqassaaq. Tamatumani siunertaavoq

kukkunersiuinerimi iliuusissanik pissutsinut naleqquttunik ilusilersuinissaq, suliffeqarfiullu illup iluani nakkutilliinerata sunniuteqassusianik inerniliiffiunani. Illulli iluani nakkutilliinerit ukiumoortumik naatsorsuutunik kukkunersiorneqarnerinut attuumassuteqartut malunnaatilimmik amigaateqassagaluarpata, BDO-llu kukkunersiuinerimi tamatuminnga paasisaqarpat, BDO-p suliffeqarfimmi aqutsisoqatigiit tamanna pillugu allakkatigut ilisimatissavai.

Peqquserlunnerit

BDO kukkunersiuinerimik suliaqarnermini annertuunik peqquserluttoqarsimasinnaanera sianiginiassavaa ilaatigut periaasissanik toqqaanikkut aamma kukkunersiuinerup ingerlanneqartup annertussusiatigut.

Peqquserlunnerni paasineqassaaq piaaraluni kukkusumik paasissutissiinerit imaluunniit pigisanik atornerluinerit, taakkulu nalinginnaasumik toqorternerneqartut imaluunniit allanut kukkunersiuusumullu isertuunniarneqartut. Peqquserlunnernik pisoqarsimappat tunngaviatigut ukiumoortumik naatsorsuutit paasissutissanik kukkusunik annertuunik imaqsarsinnaanera aarlerinaateqarpoq. Peqquserluttoqarsimaneranik BDO pasitsaassaarpat, BDO nalinginnaasumik aqutsisoqatigiit isumasioqatigalugit, pasitsaassaarneq ilumoonersooq ilumuunnginnersorluunniit paasiniarlugu misissuinerimik aallartitsissaaq.

BDO kukkunersiuinerimik pilersaarusernermini ingerlatsinerminiluunniit peqquserluttoqarsinnaanera sianiginnikaluarpalluunniit, BDO peqquserlunnerit pinngitsoortinniarnissaannut akisussaasuunngilaq.

Aqutsisoqatigiit akisussaaffeqarnerat

BDO-p kukkunersiuinerit ingerlattarpai aqutsisoqatigiit makkununga akisussaasuunerminik akuersaarlunilu paasisamasaqarnera tunngavigalugu:

- a) Inatsisit malittarisassallu atuuttut naapertorlugit ukiumoortumik naatsorsuusiornissaq
- b) Ukiumoortumik naatsorsuutunik paasissutissanik kukkusunik annertuunik imaqsangitsunik suliaqarnissamat pisariaqartutut isigisaannik illup iluani nakkutilliineq aaqissuussinissaq, tamanna peqquserlunnerimik kukkunerniluunniit pissuteqarnera apeqqutaatinnagu.
- c) BDO:
 - i. Paasissutissanik aqutsisoqatigiit ilisimasaannik tamanik, ukiumoortumillu naatsorsuutit suliarineqarnerinut attuumassuteqartunik, soorlu nalunaarsuinerimik, uppersaasiornernik pissutsinillu allanik tunineqassaaq,
 - ii. Paasissutissanik amerlanerusunik kukkunersiuinerimut atorneqartussanik BDO-p aqutsisoqatigiinnut noqqaassutigisaanik, aamma
 - iii. Suliffeqarfimmi inunnut, BDO-p kukkunersiuinerimi uppersaataissaanik aallerfissatut pisariaqarsorisaaq, killeqanngitsumik saaffiginissinnaaneq.

BDO kukkunersiuinerimut atatillugu ulluinnarni aqutsisunut noqqaassutigissavaa, pisariaqarpallu, suliffeqarfimmi inunnut allanut, kukkunersiuinerimut atatillugu BDO-mut oqaaseqaatigineqartut allakkatigut uppersarsarnissaat.

Suliffeqarfik naatsorsuuserinerimi ileqqorissaarnissaq inatsisitigullu allatigut naapertuuttumik naatsorsuuserinerimut nalunaarsuinerimullu akisussaasuvoq.

Suleriaasissanik aammalu nalunaarsuinerimut nakkutilliinerimullu systeminik naleqquttunik piaaraluni imaluunniit piaarinaatsoorluni kukkunerit sapinngisamik pinaveersaartinnissaannut aammalu paasinissaannut iluarsinissaannut qulakkeerinnittussanik pilersitsisoqarsimanissaa aqutsisoqatigiit akisussaaffigaat.

Nalinginnaasumik naatsorsuutigineqarpoq suliffeqarfik kontunut eqqortumik allattuinnissamat piffissalersuinissamullu ingerlatsinerimut killiffinnullu kontunik misissuinnissamat akisussaaffeqartoq, aammalu naleqquttumik annertussusilimmik uppersaateqarnissamat naligiissaarinernik, nassuiaatinik, naatsorsuinerimik misissueqqissaarnernillu peqarnissaa, tassunga ilanngullugit naatsorsuutini missiliuinerimut pingaarutilinnut uppersaatait aamma ukiumut naatsorsuutini nalornissutaasinnaasut.

Ukiumoortumik naatsorsuusunik suliarinninnerup ingerlanissaa

Naalakkersuisut suliffeqarfiup ukiumoortumik naatsorsuutai Inatsisartunut saqqummiutissavaat tassanngaanniillu ukiumoortumik naatsorsuutit kukkunersiorneqarnissaat Inatsisartut Kukkunersiuinerimut Ataatsimiititaliaannut tunniunneqassapput.

Inatsisartut Kukkuersiuinermit Ataatsimiititaliaata ukiumoortumik naatsorsuutit kukkuersiorneqarnissaat kukkuersiuusumut avataaneersumut suliakkiutigissavaat.

Tamatuma kingorna kukkuersiuusup avataaneersup kukkuersiuusutut nalunaarutini Inatsisartut Kukkuersiuinermit Ataatsimiititaliaannut tunniutissavaa, ataatsimiititaliarlu kingornatigut Naalakkersuisunut itisiliiffiusumik apeqquteqarsinnaavoq.

Akissutissanik piniartoqareernerani Inatsisartut Kukkuersiuinermit Ataatsimiititaliaat nalunaarummik suliaqassaaq ukiumoortumillu naatsorsuutit aamma kukkuersiuusup avataaneersup kukkuersiuusutut nalunaarutaa ilanngullugit Inatsisartunut inaarutaasumik akuersissutigisassanngorlugu saqqummiunneqassaaq.

Kukkuersiuusup nalunaarusiortarnera

Kukkuersiuusup uppersaasiinera

Ukiumoortumik naatsorsuutit kukkuersiorneqarnerisa naammassinerani BDO kukkuersiuusutut uppersaasiisaaq ukiumoortumik naatsorsuutit pillugit qaffasissumik qularnaassusilimmik inerniliinertalimmik.

Uppersaasiineq nangaassuteqarnernik imaqarsinnaavoq, BDO pissutsinut pingaarutilinnut tunngatillugu kukkuersiuinermit uppersaatisanik naammattunik pissarsinnaasimangippat, imaluunniit BDO kukkuersiuinermit uppersaatit pissarsiarineqartut tunngavigalugit inerniliippat ukiumoortumik naatsorsuutit kukkunernik amigaatinilluunniit pingaarutilinnik imaqartut.

Uppersaasiineq pissutsit erseqqissaavigineqarnerinik imaqarsinnaavoq, BDO isumaqarpat pissutsinik naatsorsuutit atuisut eqqumaffigisariaqagaannik peqartoq.

Aammattaaq inatsisini piumasaqaatigineqarpoq kukkuersiuusup uppersaasiinera nalunaaruteqarnissamut pisussaaffinnik allani imaqassasoq, BDO suliffeqarfik pillugu, suliffeqarfiit attuumassuteqartut, suliffeqarfimmut peqataaneq, akiligassallit imaluunniit sulisut aqutsisunut taarsiinissamik pillaatillu akisussaatitaanermik kinguneqarsinnaasunik iliutsinik ilanngutinngitsuukkanillu paasisaqarsimappat.

Ukiumoortumik naatsorsuutit kukkuersiorneqarnerinut atatillugu BDO-p ukiumoortumik naatsorsuutini Paasissutissat Allat misissussavai. Kukkuersiuusup uppersaasiineranut atatillugu BDO tamanna tunngavigalugu oqaaseqaateqassaaq Paasissutissat Allat paasissutissiinernik kukkusunik pingaarutilinnik imaqarnerisooq BDO-mit isummerfigineqarluni.

Suliffeqarfimmit kissaatigineqarpat, ataatsimiinnermit naatsorsuutit BDO-p nalunaaruteqarfigisaata oqaluuserineqarfissaannut BDO-p peqataassalluni pisussaaffigaa.

Aqutsisoqatigiinnut attaveqaqatigiinneq

Attaveqaqatigiinneq nalinginnaasoq

Nunani tamalaani kukkuersiuinermit malitassiat aamma Kalaallit Nunaanni kukkuersiuusunut inatsisini piumasaqaatit allat malillugit BDO pisussaavoq suliffeqarfimmi ulluinnarni aqutsisunik attaveqaqateqassalluni, imaluunniit pisariaqartillugu suliffeqarfimmi qullersanut, kukkuersiuinermit suliasami pissutsit tamaasa BDO-p suliatigut naliliinera malillugu aqutsisoqatigiinnit eqqumaffigineqartariaqartut pillugit, tassunga ilaapput:

- ▶ BDO-p naatsorsuuserinermi tunngavissanik atorneqartunik isiginninnera, tassunga ilanngullugit naatsorsuuserinermi periaaserineqartoq, naatsorsuutitigut missiliuinerit aamma ukiumut naatsorsuutini paasissutissat.
- ▶ Kukkuersiuinerup ingerlanneqarnerani inernerit malunnaatillit, tassunga ilanngullugit pisut BDO-p iliuseqaqqinnissamik isumaliuteqarfigisai.
- ▶ Pissutsit pilersut BDO-llu kukkuersiuusutut uppersaasiinermi inerniliineranut allannguinermit kinguneqarsinnaasut.
- ▶ Ajornakusoortut BDO-p kukkuersiuinermit suliaqarnermini naammattoorsinnaasai.

- ▶ Pissutsit allat kukkunersiuinermik suliaqarnermi pisinnaasut, BDO-llu naliliinera naapertorlugu aqutsisunut soqutiginaateqarsinnaasut.

BDO suliffeqarfimmi aqutsisoqatigiinnut saqqummiussassanik pissutsinik amerlanerusunik suussusiliinissaq kisiat siunertaralugu iliuusissanik ilusilersuineq ajorpoq, BDO-lli kukkunersiuinermik suliasamat atatillugu pissutsit malunnaatillit paasineqartut aqutsisunullu soqutiginaateqarsinnaasut saqqummiuttarpai.

BDO-p aqutsisoqatigiinnik attaveqaqateqarnera oqaasiinnartigut aamma allakkatigut pisinnaavoq, siunertaq sunalu pineqarnersoq apeqqutaatillugu.

Kukkunersiuissup nalunaarutaa

Kukkunersiuineq ingerlanneqartoq tassungalu inerniliineq pillugu suliffeqarfimmi aqutsisut qullersaannut nalunaarusiortarneq kukkunersiuissut nalunaarutaat aqutigalugit pisarpoq.

BDO ukiumoortumik naatsorsuutit kukkunersiorneqarnerat aamma ukiup ingerlanerani nalunaartutit pillugit kukkunersiuissup nalunaarutaanik saqqummiussissaaq, tamanna aalajangersarneqarsimappat, imaluunniit BDO-p tamanna naleqquttutut nalilerpagu.

BDO-p pisussaaffigaa nalilersussallugu kukkunersiuissup oqaaseqaataanik tunniussisoqassanersoq:

- ▶ naatsorsuutini allattukkat Inatsisartut aamma Naalackersuisut aalajangiinerinut naapertuutinnigpata,
- ▶ inatsisit aamma aalajangersakkat atuuttut unioqquutilugit iliuuseqartoqarsimappat,
- ▶ allattukkap imaluunniit aalajangikkap inatsisinut naapertuunera nalorninartutut isigineqarpat,
- ▶ suleriaatsinik atuuttunik misissuinermi paasineqarpat nakkutilliisoqartarneratigut annertuunik amigaateqarpat, kukkunersiuinermi peqatigisaanik amigaatinik paasineqartunik aaqqiissuteqarnissamat siunnersuuteqarsinnaammat,
- ▶ suleriaasissatut aalajangersarneqartut malinneqarsimannigpata, imaluunniit
- ▶ Inatsisartut aamma Naalackersuisut aalajangiinerinik piviusunngortitsineq aningaasaqarnikkut naleqqutinnigsumik isumagineqarsimappat.

BDO-p kukkunersiuinermi ileqqorissaarnissaq naapertorlugu naleqquttutut imaluunniit pisariaqartutut nalilerpagu BDO aqutsisoqatigiinnut allakkatigut nalunaarusiussaaq. BDO-p nalunaarusiortarnera Pisortat ingerlatsineranni aalajangiinernik paasitinneqarsinnaatitaaneq pillugu inatsimmut ilaavoq, allagaatinillu takunnissinnaanermik piumasaqaateqarfigineqarsinnaalluni.

Kukkunersiuissup nalunaarutaani BDO-p naatsorsuutininut naatsorsukkanullu allanut nalunaaruteqarfigisaanut suliasat BDO-mit allaaserineqarput.

Kukkunersiuissup nalunaarutaanik Inatsisartut Kukkunersiuinermut Ataatsimiititaliaanut nassiussineq ulluinnarni aqutsisut aqutigalugit pissaq.

Pissutsit immikkut ittut pillugit attaveqaqatigiinneq

BDO tamatuma saniatigut pissutsit immikkut ittut suliffeqarfimmi aqutsisoqatigiinnut saqqummiunnissaannik akisussaaffeqarpoq, makku ilanngullugit:

- ▶ Pissutsit inatsisinik maleruagassanillu allanik eqquutsitsisoqannginneranut tunngasut, BDO-p kukkunersiuinerup ingerlanerani paasisimasai pillugit nalunaaruteqartarnissaq, pissutsit taama ittut erseqqissumik sunniuteqanngitsut minillugit.
- ▶ Aqutsisoqatigiinni ilaasortat tamarmik immikkut nalunaaruteqarfiginissaat, BDO-p sulinermini paasippagu aqutsisoqatigiinni ilaasortat suliffeqarfik sinnerlugu atuuffigisaminnut atatillugu aningaasatigut pinerluuteqartut, BDO-lu pinerluuteqarnerup aningaasanut malunnaatilinnut tunngassuteqarneranut imaluunniit ilungersunartutut nalilernerneqarsinnaaneranut tunngavilersukkamik ilimatsaassaqarpat. Aqutsisoqatigiit tamatumunnga qisuariannigpata BDO inatsisit naapertorlugit pisussaavoq oqartussanut kalerriteqassalluni. Suliffeqarfik pinerlunnikkut aningaasarsianik malunnarunnaarsaanermut imaluunniit peqqarniisaarniarnermut aningaasalersuineranut akuuneranik BDO pasitsaassaqaruni oqartussat toqqaannartumik kalerrissallugit pisussaaffeqarpoq.

Naatsorsuutit nalunaarsukkallu allat pillugit nalunaaruteqarneq

BDO inatsisini piumasaqaatigineqartut, EU-mi maleruagassiorneq imaluunniit oqartussat piumasaqarnerat malillugu suliffeqarfiup naatsorsuutaanut nalunaarsugaanullu allanut nalunaaruteqarnissamik suliassanik qularnaatsunik suliaqarpoq (tullinguuttumi "naatsorsuutit allat")-nik taaneqartut.

Naatsorsuutit allat inatsisit atuuttut, naatsorsuutinullu allanut oqartussanit neriorsuineramik allagaqaatit il.il. malillugit sularineqassapput.

Siunertaq annertussusaalu

BDO naatsorsuutinut allanut qularnaatsumik nalunaaruteqarnissaq siunertaralugu nalunaarutissanik suliaqarpoq.

BDO inatsisit imaluunniit neriorsuineramik allagaqaatit naapertorlugit piumasarineqartoq malillugu nalunaaruteqarnissamik suliassamik ingerlatsissaaq. Tamatumunngalu ilaasinnaavoq kukkurersuinermit nunani tamalaani malitassat, aamma piumasaqaatit allat Kalaallit Nunaanni atuuttut imaluunniit nalunaarutitik qularnaatsunik allanik suliassat imaluunniit aningaasaqarnermut paasissutissanik pisoqqanik misissuineq pillugu nunani tamalaani nalunaarutitut malitassaq ISAE 3000 naapertorlugu kukkurersuineq.

Nalunaarutitik saqqummiussinissamut BDO-p arlaannaanulluunniit attuumanginnissamut piumasaqaatinik aamma International Ethics Standards Boards for Accountants'-ip nunani tamalaani najoqqutassiaani kukkurersuisutut ileqqorissaarnissamut piumasaqaatinik (IESBA Code) naammassinninnissaa piumasaqaataavoq, innarligassaannginnermut, kinaassusersuinnginnissamut suliatigit piginnaasaqarluarnissamut peqqissaarnissamullu, isertuussinissamut suliatigullu piginnaasaqarnermik pissusilersornissamut tunngavissanik, aammalu ileqqorissaarnissamut piumasaqaatinik Kalaallit Nunaanni atuuttunik tunngaveqartoq.

Kukkurersuisup akisussaaffeqarnera

BDO-p nalunaaruteqarnissamik suliassamut tunngatillugu aammalu nalunaaruteqarnermut sammisamut atatillugu tamatumunngalu uuttortaanermit imaluunniit naliliinermit piginnaasaqarnissani periaasissaqarnissanilu akisussaaffigaa nalunaarummi inerniliussamut akisussaaffimmik tiguisinnaassalluni.

BDO-p akisussaaffigaa suliassamik sularinnittussat peqatigiillutik piginnaaneqarfinnik pisinnaasanillu peqassasut malitassiat attuumassutillit aamma inatsisini maleruagassanilu allani piumasaqaatit atuuttut naapertorlugit, aammalu nalunaarummik pissutsinut naleqquttumik tunniussinissamut periarfissiisussamik.

BDO-p akisussaaffigaa nalunaaruteqarnissamik suliassap suliatigit qularnertalimmik pilersarusiussallugu ingerlatissallugulu, nalunaarummik suliassap ingerlanneqarnerani suliatigit naliliisinaani atorussanngorlugu, tassunga ilanngullugu qanoq inneranik, piffissatigit sumi inissisimaneranik iliuusissallu annertussusaannik aalajangersaanissamut, aammalu nalunaaruteqarnissaminik suliaqarnermini uteqqiattumik, aqqissuulluakkamik ingerlatsinissamut piginnaasaminik pisinnaasaminillu atuisinnaanissaminut.

Nalunaarusiornissamik suliassami killilersuutaareersut pissutigalugit, aammalu illup iluani nakkutilliinermit systemit suulluunniit killilersuuteqareernerat pissutigalugu, nalunaaruteqarnissamut sammisami kukkurneramik annertuunik imaassinnaavoq paasisaqartoqanngitsoortoq, naak nalunaaruteqarnissamik suliaq pilersarusiorluagaallunilu kukkurersuisunut nunani tamalaani malitassat naapertorlugit ingerlanneqaraluartoq.

Aqutsisoqatigiit akisussaaffeqarnerat

BDO-p nalunaaruteqarnissamik suliassat suliffeqarfimmi aqutsisut naatsorsuutitik allanik naatsorsuuserinermit taaguusersuutinut sinaakkusiussat atuuttut naapertorlugit sularinissaannut akuersinerat paasinninnerallu tunngavigalugu sulissavai, aammalu nalunaaruteqarnissamut tunngavissat pisariaqartut tunniunnissaannut akisussaasuussapput, paasissutissallu nalunaarummut tunngavigineqartut eqqortuunissat, tamakkiisuunissat uppernarsaasersugaanissaallu akisussaaffigaat, suliffeqarfiullu inatsisitik maleruagassanillu allanik nalunaaruteqarnermut attuumassutilinnik eqquutsitsisoqarnissaa qulakkiissavaat.

Aqutsisutaaq akisussaaffigaat BDO makkununga pissarsinnaatissallugu:

- 1) Paasissutissanik tamanik aqutsisoqatigiit ilisimasaqarfigisaannik, nalunaaruteqarnermillu suliaqarnermut attuumassuteqartunik,
- 2) Paasissutissanik amerlanerusunik nalunaaruteqarnermik suliaqarnissamut atorneqartussanik BDO-p aqutsisoqatigiinnut noqqaassutigisaanik, aamma
- 3) Suliffeqarfimmi inunnut, BDO-p uppersaatissaanik aallerfissatut pisariaqarsorisaanut, killeqanngitsumik saaffiginnaaneq.

BDO nalunaaruteqarnissamik suliaqarnermut atatillugu aqutsisunut noqqaassutigissavaa, pisariaqarpallu, suliffeqarfimmi inunnut allanut, nalunaaruteqarnissamut sammisamut atatillugu BDO-mut oqaaseqaatigineqartut allakkatigut uppersarnissaat paasissutissat attuumassuteqartut tamaasa aqutsisoqatigiinnit ilisimasaqarfigineqartut BDO-mut tunniunneqarsimasut, tassunga ilanngullugu inatsisinik maleruagassanillu allanik eqquutsitsinissap amigarneranut pissutsit sulluunniit, peqquserlunnerit aamma nalunaaruteqarnissamut sammisami amigaatinut tunngatillugu.

Oqaaseqaat aamma nalunaaruteqarnermi sammisamik tunngavissat attuumassuteqartut malillugit misissuinerup imaluunniit naliliinerup uppersarneqarneranik imaqassaaq, tassunga ilanngullugit pissutsit attuumassuteqartut tamaasa sammisap imarisaanut naapertuunnerat.

Kukkunersuiisup nalunaarusiortarnera

Nalunaaruteqarnissamik suliassap naammassinerani BDO allakkatigut nalunaaruteqassaaq naatsorsuutit allat pillugit BDO-p qaffasissumik qularnaassusilimmik inerniliineranik imalimmik, aammalu tamanna sutigut tamatigut tunngavissanut attuumassuteqartunut naapertuuttumik suliarineqarsimaneranik.

Inerniliinerup ilusilersorneqarnerani BDO-mit nalilerneqassaaq sammisap imarisaat paasissutissanik kukkusunik pingaarutilinnik imaqarnersoq, tamatumanilu uppersaatissat naammannersut naleqquttuunersullu isummerfigineqassaaq aammalu kukkusumik paasissutissiinerit ataasiakkaarlugit ataatsimoortillugilluunniit pingaaruteqarnerisut.

BDO-p pisariaqarsorippagu BDO nalunaarummi erseqqissaatinik ilanngussissaaq. Taamatut erseqqissaateqarnerit siunertaraat pissutsit saqqummiunneqartut imaluunniit sammisap imarisaani taaneqartut nalunaarummik tiguisussamit eqqumaffigineqarnissaat, taakku BDO-p naliliinera naapertorlugu ima pingaaruteqartigimmata sammisap imarisaata imaluunniit nalunaaruteqarnissamik suliassap, kukkunersuiisup akisussaaffeqarnerata imaluunniit nalunaarutip tunngaviumik paasinissaanut pingaaruteqarlutik.

BDO-p inerniliinini naleqqussassavaa BDO-p suliatigut naliliinera naapertorlugu suliap annertussusianik killiliisoqarsimappat, imaluunniit sammisap imarisaat BDO-p suliatigut naliliinera naapertorlugu paasissutissanik kukkusunik pingaarutilinnik imaqarpat. Taamatut pisoqartillugu BDO nangaassutitalimmik inerniliissaaq imaluunniit naqqiissuteqarluni inerniliilluni, imaluunniit inerniliinngitsoorluni.

Pissutsit allat

Siunnersuineq, ikiuineq il.il.

Ukiumoortumik naatsorsuutininik kukkunersuiinerup ilaatinneqanngillat suliffeqarfimmi naatsorsuutininik allattuinerup, ukiumoortumik naatsorsuutininik suliaqarnermut imaluunniit naatsorsuutini allatigut inissiinerup ikiuineq.

BDO taamaallaat siunnersuisinnaavoq allatigulluunniit ikiuullunilu tamanna peqataasinnaassuseqannginnerup aamma arlaannaanulluunniit attuumannnginnissamut malittarisassat atuuttut naapertorlugit pisinnaappat.

Kukkunersuiisutut tunuarneq

BDO Suliffeqarfimmut kukkunersuiisutut tunuassagalaruni tunuarnerminut pissutaasoq pillugu kukkunersuiisumut sulilersumut ilisimatitsissutigissavaa. Tunuarnermi BDO pisussaavoq kukkunersuiisut ivertinneqartoq suliffeqarfik pillugu paasissutissanik attuumassuteqartunik, kukkunersuiisup nalunaarutaanut tunngasunik, pissarsinissamut periarfississallugu, aamma BDO-p tunuarneranut pissutaasoq pillugu BDO naammattumik nassuiaateqassaaq.

Kukkunersiuisup nalunaarutaanik nutarterineq

Kukkunersiuisup nalunaarutaa manna nutarterneqassaaq suliassap imarisaanut atassuteqartumik allannguuteqarpat imaluunniit inatsisini malitassaniluunniit allannguutit kingunerisaannik allanngortoqarpat, imaluunniit pissutsit allat BDO-p pisariaqarsorisa pissutigalugit.

Inatsisartunut nalunaaruteqarnermi kukkunersiuisup nalunaarutaa manna innersuussutigineqassaaq, Inatsisartunullu ilaasortanut nutaanut tunniunneqarnissaa naatsorsuutigineqarpoq.